



1738





敬業堂詩集
一六

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

TIFFEN Color Control Patches © The Tiffen Company, 2007



敬業堂詩續集目錄

第一卷

湯與集上 古今體詩一百十六首

第二卷

湯與集下 古今體詩一百二十首

第三卷


餘生集上 古今體詩二百四首

第四卷

餘生集下 古今體詩一百三十首

第五卷

詣獄集 古今體詩七十四首



第六卷

生還集 古今體詩七十七首

住切集 古今體詩五首

敬業堂詩續集目錄

卷一

敬業堂詩續集卷一

海寧 查慎行 悔餘

漫與集上

起戊戌五月盡庚子十二月

少陵云老去詩篇渾漫與俗本多誤與為興東坡

先生用之云清篇真湯與叶入語韻可證興字之

繆余年衰才盡從前媿乏驚人之句已鏤板問世

悔莫能追自茲以往當日就頽唐不知餘生尚閱

幾寒暑更得幾首詩也

介庵上人新住古衡雨舍贈以六言二絕

插竹編籬作苦灌園抱甕忘機叟松風吹帶溥溥草

露沾衣

老去師宜住靜佳時我定來遊一段因緣不淺兩條拄杖交頭

聞許立巖侍御內陞列卿將假歸省觀喜而有
寄兼呈座主宗伯公

宦途原自達家慶復誰同堂上尚書履門前御史驄望雲占喜氣計日及秋風預蠟陪游屐詩成報謝公

盆池荷花六韻

七月五日

庭窄無池位埋盆種藕芽四年空布葉今日忽開花照影亭亭上迴風故故斜涼生三尺幌香透一重紗物性清難奪人情少見誇跣趺如可結莫便委泥沙

用辟支佛事

題沈麟洲覓句圖

君家遠有承詩是東陽格苦覓人不知却道無心獲

閱二日德尹芝田兩弟皆有和章詩來而花已謝次韻

陳根抽五蕊一朵粲新芽野老衰遲目仙人頃刻花有莖仍挺拔是葉總天斜畫乏施丹手詩留護壁紗瑤池歌已遠玉井語徒誇若要顏長駐除非伏火砂

許立巖見過村居

茹齋無客到門刺荷相投水長萍浮岸橋低石礙舟六年驚易過一飯挽難留忍作恣恣別菹鱸已報秋

喜雨集陶

重離照南陸炎火屢焚如夏雲多奇峰近瞻百里餘田

家豈不苦似為饑所驅白日淪西河始雷發東隅神淵
瀉時雨好風與之俱良苗亦懷新繞屋樹扶疎農務各
有歸吾亦愛吾廬悠悠待秋稼且還讀我書即事多所
欣慰情良勝無

戊戌秋陶菴中丞由粵東巡解入都道經吾里
枉使見存山肴村釀追送于黃灣傳舍長律志
別十六韻

道遠驅馳數恩深出入勞兩年開幕府六月載星旌
展垂天翼山移戴角鼈先聲飛組練小隊偃弓刀當暑
佳眠食沿途戒驛騷僕夫非況瘁王事有游敖重譯銷
烽燧單車沛雨膏來觀滄海日及賦曲江濤

中丞于中
秋後一日

渡錢塘

竊聽詩篇富懸知氣象豪前旌臨敝邑枉訊到吾

曹衰賤才何有先生誼獨高昨容修刺謁今許贈言叨
先生許為
余作詩序後會殊難卜餘歡又一遭吟還催剪燭節欲
近題糕野餉攜蔬菽村沽載濁醪敢邀騶從辱三徑滿
蓬蒿

閏八月望夕桂堂小飲芝田有詩次其韻

菊叢未吐桂叢幽前度追驩發興猶月轉黃昏成白晝
天回寒露作中秋
明日為
寒露節安排格韻謝詩敵牽率茶僧
預飲流謂得泉
法師三十八年同一夢夢闌忽失少年遊

閏中秋
余客黔南幕
府今三十八年矣

寒露後六日偕東亭德尹曾三芝田諸弟集季

方兄曉天書屋芝田以詩索和次原韻

不然已過登高會霜露中分閏月天家有弟兄如老友
身除疾病即頑仙夜涼庭桂殘香候秋澹籬花嫩蕊先
累爾輓轡頻下汲近來淦思似枯泉

蘇子由詩云老人詩思如枯泉輓轡

不下壘益乾年來每有宴會芝田必首唱索和故云

重九雨中偕諸兄弟赴曾三之招

齒會寧嫌數佳辰不憚勞門前泥滑滑堂外雨嘈嘈軟
美糕蒸栗鮮肥懈擘膏海山青似染縱目勝登高

後六日德尹治具邀諸兄弟登龍山小憩西林
庵再過妙果山房看菊二首

忽聞乾鵲報檐聲昨夜猶防雨阻行雲日放晴天有信

霜風吹鬢帽多情同遊特許緇隨素一醉頻煩弟勸兄
不負年年爲此會鄉山洽恰占佳名

五日爲期六日遲流光如駛詎堪追菊尋西社初開處
楓愛吳江半落時興到儘拚雙屐往力稀全靠一筇支
笑將閒事成心事已補登高又補詩

立冬後二夕大雷雨

夏令冬行虐陰陽變慘舒蟲經坏戶後雷似發聲初窗
裂新糊紙簷鳴暴漲渠一燈愁不寐細檢五行書

長至前後經旬苦雨田租不入廚人告米罄適
芝田弟詩至和以遣懷

薄田纔二頃歲入給官私小縣開倉蚤

秋糧例於十月朔開徵

村得米遲連旬多凍雨來日乏晨炊誰道衡門下洋洋
可瘼饑毛詩箋樂饑作瘼饑義與瘼同

閱邸抄知副相揆公奉 特旨子謚文端感賦

一律

易名事大敢輕論忽聽綸褒下紫闈兩字克當何媿色

九原可作詎孤恩本師君不忘胡震用李贊皇集中事受業人

終笑孔璠却望寢門遙破涕借將朝典慰吟蒐

小除日翁蘿軒見餉橙橘

鄉風稀餽歲遠信自當湖磊落承筐實紅黃照座隅偷

嘗無婢妾繞膝有孫雛計口分甘徧餘存逮老夫

己亥元旦二首時余年七十

蚤梅殘雪散氛氳春色三分過半分上日幾逢兼雨水

半月前立春今日交雨水中氣吉占且喜有風雲史記天官書正月旦欲終日有雨有雲有

風有 開門掃軌眠方穩絕塞傳烽耳怕聞歲事推遷成

舊物屠蘇又是六回醺余歸田已六年

須髻皤然齒豁然杖鄉以後杖朝前所慚客拜長遲答

若問吾車已蚤懸兄事無人難諱老一月前連喪榆村季方兩兄北史傳

永常諱言老自稱六十九養生有論笑希仙當前任放兒童戲記得

身騎竹馬年白香山年七十有詩云大曆年中騎竹馬幾人得見會昌春

元宵家宴

冰雪經旬臥欣逢霽景澄不辜滄海月又點草堂燈酒

力春寒退年光老態增傳柑虛故事回首望觚稜

春分後五日雪

冬暖梅全落春寒柳未柔
泱天雲滃滃蔽埜雪浮浮漸
補茆茨缺微添石礧流芒屨閒挂壁二月尚重裘

畱硤川五日歸來牡丹盛開

不知人世有繁華春去渾如轆轤車
公道肯饒頭上髮吾生且看眼前花
風翻雨打無欄護日薄雲輕抵幕遮
贏得村鄰詫奇事麻姑又到蔡經家

風雨中自禾郡攜歸白紫二色芍藥芝田有詩

索和次來韻

半月花情閱牡丹將離與展後期寬
雨叢買取淺深色一艇載將風雨寒
白髮衰翁羞獨對紫衣年少笑相看

多緣我相生分別可愛羊脂愛馬肝

七十生日德尹以詩五章為壽次韻酬之

影與形俱步步隨兩情一味似兒時
未成學業年加長有限精神日就衰
削草舊存師授易余近輯玩辭集解
半出黎洲先生象論焚梨新刻手編詩
蘇甘茶苦從誰說我外唯應爾得

知文瀾筆陣一時平勿問人間子墨卿
竹簟茅檐存晚計玉堂金殿話前生
達如南郭原無偶痛比西河未喪明
也與老萊同七十只除顏色不如嬰

蚤知老病合休官不謂居貧爾許難
蟻穴隄防非一缺

燕巢泥補取麤完

時方修葺屋宇故云

盤登苦苴傷蔬沒

出少園陵詩

有甘蕉被竹彈沈休文有修竹彈甘蕉文萬事轉頭多失策彊憑筋力與追驩

家門樂事人言少先後相尋賦遂初藥樹陰交扶杖立茶煙風遞隔牆居回思壯日多岐路容易頽年共敝廬且喜手栽梨棗熟斷無荆棘待芟鋤

椿菌何分大小年多生緣境在雲泉慧輪靈運希成佛詭託曼都號斥仙求友孰踰兄弟好貯書頗望子孫賢繞身笑指叢殘架個是先生二頃田

老友王子穎移家沈蕩遠來為余稱壽詩以謝之

太息同儕畧喪亾天留一老作靈光已未夏集險和堂者十八人今唯子穎

及余兄弟在耳豪情減後難忘友宦業貧來易去鄉共研分燈論往事烹葵剪韭勸餘觴我如蒲柳君松柏七十還輸八十彊王年八十一矣

端陽後四日盆荷花

老夫生日纔過二又向花前引一杯合被兒童傳好語去年六月未曾開

酬徐茶坪兼題其詩集次竹垞贈徐舊韻

余生值惡月微類繆占雀用唐書崔信明傳中事侵尋感耄及交舊久離索方當鐵化魚忽訝玉抵鵲凌朝來信使剝啄扣門關猥煩徐佐卿遠致一隻鶴是時夏苦旱村舍甚熏灼清風穆如至九鎖為啓鑰好句滿緘封俄倒囊傾

索大雅世誰陳斯人獨歌嘏擾龍作家畜遇虎以手搏
豪健力所勝仰禱俯奚忤沂源杜韓氏變化出槩燿其
質嚴陶匏其文匪粉臚羹鯖飽干齏湯茗快一淪幢高
有精進輪轉無退却長鳴得子和謂思又肯縻好爵足
知造化爐金火謝外爍不爭屈宋豔詎笑齊梁弱自我
畦徑開傍誰樊籬託固宜與時背方枘難入鑿此就詩
論詩於焉得大畧吾尤服其品拔俗高連連蚤成名進
士宦海恥涉脚問時年幾何陸機初入洛行藏斷諸內
韁鎖遽擺落厭踏嚴城鼓愛聽蕭寺鐸掇第如摘髭視
官如棄韞述庚辰春夏間君登第後事却歸研經史心跡雙寂寞到
今二十年嗜古勤逾恪憶昔潛采翁竹垞論文慎唯諾

從君賞才藻昆友並淵博一孔一針投有若絲在篋翁

今宰木拱君復傷棗萼不有宿好敦晨星孰聯絡王楊

數儕輩非曰乏富駱眼獨為余青書來篋刮膜何時浮

震澤放棹下三箬傳析聞魯邾計程殊閩貉佇待暑喝

蠲微涼度疎箔間攜石鱗子過我履交錯滌除騷士悲

披拂風人作尚欲丐餘波潤茲轍鮒涸敢云奏刀手薄

技呈灑削棗梨甫被災落葉費掃掠書來索余集時削刪初竣方在校勘

譌字故云亂堆方丈室翦少一弓拓然而不自鄙顧晒子雲

閣荷君附同調有味寄澹漠君豈終山林吾宜置印壑

長虞岐出處庶望互評泊相期覲面論雙鯢當對酌時

雙酒餞
見貽

苦旱行

祝融不卹為農苦晴過三旬竟無雨
檉榘上水遠灌田日炙風吹變剛鹵
幾家結伴還插秧針嫩綠旋旋黃
千畦百隴仰灌溉河底行見輕塵揚
君不聞潮聲撼塘岌岌殆外溢中乾
兩相倍眼前勿作雲漢憂或恐桑田
遂成海

苦熱啞

水如沸兮山如焚青天白日兮騰火雲
雨師潛蹤兮風伯避爰有蠅蚋兮薨薨
成羣晨餐兮廢筋夜無眠兮徹曙
半年傳舍兮三易官煩暑不隨兮酷吏去
時吾邑署令將離任
吁嗟嘻若教暑退吏尚留兮二者相較其誰尤兮我啞

苦熱熱猶可支兮世無涼土去此安歸兮
北史歐達國傳夏遷涼土

冬逐暖處

抱膝圖贊 并敘

孔明抱膝隆中其志殆未易測史家謂其嘗自比
管樂世遂以英豪目之觀其誠子書云靜以修身
儉以養德又云學欲靜也才欲學也多是聖賢分
上語豈屑以霸佐自命者哉許子純也性靜以儉
有才而篤學命工寫照以抱膝名圖吾知其所取
固在此不在彼也因發其指而系以贊曰

聖賢之道與襟霸異孟卑管功孔小管器史官失職世
降而季屈王佐才侔於功利彼臥者龍孰窺涯涘當其

抱膝悶如邈世泊乎遇主適會時至于焉致遠於焉明
志儒者之效章章如是我師古人得其大意繫惟神契
非曰形似學崇厥基才歷乎試是庸作贊拭目以竣

中元後復有江右之役吳尺鳧浣輪兄弟招同
翁蘿軒章豈績楊東崖柴陞升吳志尚成桂舟
馬寒中家可亭飲繡谷軒席間多賦詩見送別

後寄答一首

新知舊好極纏綿唱艣歌驪惜此筵漸老漸稀朋酒會
忽晴忽雨早涼天身隨筆墨為人役時白中丞招影落
修江西通志
江湖祇自憐霜雪滿頭閒未得五年三上富春船
雨後發常山將抵玉山縣途中復遇大雨

一漑功無及三秋喘未蘇時浙東久旱
暑猶未退官徵山縣賦戶

減石田租樂土今何處衰年復此塗油衣非瓦屋寧免

戴露濡

舟發玉山遇順風止挂半帆楊東涯有詩戲次

原韻二首

吾師今日奏奇功快意多生美滿中杜牧詩千帆美滿風此理乘

除看爛熟上灘連遇石尤風數日前阻
風貌頭

碓牀夾岸湧盤渦電掣雷奔瞥眼過老怯風波吾已慣

被君翻作半帆歌

過貴溪哭同年王辰熾

同年餘幾箇小別死生分老去常為客重來又哭君前過

嚴州哭詹廉夫政條留已乘歸櫬阻秦雲出拜多襁褓
今又喪我長幟
兒啼詎忍聞

水蠖嘆

舟人云江湖間每八月此蟲出
三日則止天所以資魚食也

我聞宵蛾赴火死今見飛飛晨赴水成羣百萬蔽江來
江闊風高颺不起嗟爾之生良已微捐軀適救魚鼈饑
可憐水火均不免兩翼原來是禍機

中秋南昌書局對月限韻

又作殊方會牽牛昏正中客程千里外鄉語一尊同快

讀新詩句

東崖疊韻詩
即席先成

閒思舊桂叢愛眠幸好月莫笑

白頭翁

白近薇中丞席上賦贈

衰遲重作豫章游直為徵書禮聘優座上開尊傾北海
花間懸榻下南州交情到我真青眼事業如君尚黑頭
共識此邦文獻古編摩須仗網羅求

雨中藩長許孝超年伯招飲紫薇堂

早從才子識高陽卅載通門綴末行花底清談銷積暑
城頭片雨送新涼圖書列屋開東壁絲竹留賓到後堂
誰似先生風義古下車下榻兩難忘

次君條侯癸酉同舉京兆

與邴鶴亭臬長話舊

重來仍款款昔別悔匆匆遇我非今雨於君見古風閒
能空訟鉅雅喜接詩筒慚媿相投句猶蒙記憶中

南昌李少峰明府見示詩刻題贈一首

作客逢仙吏投詩見楚材汗青千古事浮白一編開地
遠蛟龍伏秋空鶴鶴來同年有難弟末契託追陪令兄
與余癸未同年
看山一作眉三

重陽前四日許藩長送菊

開徑無黃菊敲門到白衣丸盆親位置難落有光輝時

庭新設不礙看花晚偏宜摘蕊稀重陽思共賞留取借

竹籬書報是日兼

明日雨中祁臬長李南昌復送菊以詩索和

滿目皆秋色何煩冒雨尋自增幽谷趣不起故園心地
主風流接生涯節序侵懸知簿書暇亦未廢清吟

次鶴亭臬長重陽菊未開韻

風雨開緘引興長滿庭菊蕊尚含香詩逢高調難酬和
人到中年易感傷時鶴亭有感未免有情成結習從來名
種必遲芳題糕頌酒渾閒事添得連朝一段忙

重九喜晴偕諸子遊東湖百花洲得高字

初聞簷雨響蕭騷漸吐晴光散鬱陶萬事古來難逆料
一年今日又登高城隅宛轉黃沙岸檻外參差白雪濤
講武亭空僧舍古幽清直覺勝江臬

再過憩雲菴訪心璧禪師得登字

川光雲影恣憑陵掌握猶餘佛面藤愛續清遊無外客
閒追往事問南僧當筵落帽狂何有踏屐尋詩老尚能
世出世間同此樂太平時節報三登白中丞曾禱雨於
此時雨公亭初成

是日李少峰劉敬臣兩明府復邀遊列岫亭再
限重陽二字

良辰賢主兩難逢有約來聽郭外鐘古寺出門風浩浩
晚山隔岸翠重重南飛渚有隨陽鳥北走江如掉尾龍
露白蒹蒼遙極目知從何處采芙蓉

此閒名勝擅滕王別有孤亭著北岡題壁我留清氣味
快晴天假好風光徑須酌酌酬高會何必登臨定故鄉
借取一鳴詩作結今朝第七重陽

末句用司空表聖成語

後一日白近薇中丞招遊百花洲

琉璃凝碧寫金天擇勝攜觴此地偏賞接賓朋連九日
恩加魚鳥及三年蓬壺別境通花鳥簫鼓中流少畫船

百度知君多舉廢眼前豈獨一亭然

地為講武亭故址

題秋江返棹圖送心壁禪師歸廬山開先寺即

次九日過訪韻

閣上留題記石凌巖頭已長到天藤師應勿拒重來客
我亦曾為過去僧小劫如風吹易過勝游似夢續難能
撥開雲霧全身現誰謂匡廬不可登

兩公亭詩為白近薇中丞賦次鶴亭觀察原韻

後樂先憂視此亭誰施妙手繪丹青為霖預卜君臣
契被澤旋教婦子寧太有兩書傳列郡屢豐一頌徹
彤庭從今筮畢占長驗不用山川更乞靈

同諸子步至李紹津家看池上木芙蓉

不乘籃輦不扶筇步屨相將喜過從一片秋光開老眼
御書樓外看芙蓉

曲欄渾似野人家倒影盆池落綺霞紅白淺深皆可意
最憐渠是後開花

殘陽西墮月東升霜氣初消露氣蒸座客微酣花亦醉
不勝情態兩曹騰

臨別殷勤又一杯半開時節勝全開心知爛熳無多日
日日閒須日日來

盆菊初開連朝苦雨移盆入室即事成詩

檐頭分得籬邊種繁蕊爭開四十窠幸免後時霜凜冽
難禁連日雨滂沱高人避世今餘幾好友登堂儘愛多

珍重詩翁擡舉意莫教一老便成莎

戴石屏詩菊花雖老不成莎

立冬日招李少峰偕寓中諸子賞菊限韻二首

自我來居此真成野老家編籬分井竈啓戶納烟霞已
涉初冬節還看九日花勿辭開口笑白髮鬪霜華

逡巡初有待爛熳勿齊開似戀羈人任兼邀好客來澹
交論臭味薄設忝尊壘相勸陶彭澤能無盡興回

大雨枕上作

狂飈裂紙牕徑入卧榻前吹萬豈可息我衰自無眠寒
燈澹孤光月落庭西偏却觀鼻端白一寂謝衆喧

殘菊

娟娟盆中花黃白各自好霜風一披拂甘作科上槁人

情委牆角枯菀孰相保我欲餐其英毋令儕庶草

聞鶴亭觀察陪白中丞西山行圍却寄二首

芻蕘雉兔與民同纔了農功績武功見說山深無伏莽

滌場時節咏幽風

急雪重裘九月寒塞山三度記隨 鑿須防見獵初心

在矍鑠猶能起跨鞍

白中丞以御賜鹿條分餉賦謝二章

山莊地是古興桓別展圍場千里寬白露節前行射鹿

丹楓林外想 回鑿榮光遠自雲端下珍味原同席上

看奏使歸來傳異數似聞 天語勸加餐

一味無私惠愛均黃封重疊荷分珍似憐白首羈樓客

曾作青雲扈從臣尾割紫瓊親拜

賜元耶律楚材鹿尾詩微香

馥馥紫瓊漿

條烹紅玉又嘗新詩成却笑西川杜萊把園官

是主人

杜工部園官詩云清晨送萊把長荷地主恩益未嘗拜嚴中丞之貺也

有感二首

齒豁頭童一禿翁依然自課比蒙童滄桑漸遠傳聞異

文獻無徵感歎同論出一時雖袞袞事關千古敢匆匆

轉慚虛下陳蕃榻不作州民作寓公

自別家來倏九旬枯桑海水夢紛紛心銜清宦虛分俸

頭責先生老賣文兩雷欲衝千里返江湖只被一山分

如何兄弟天南北不及隨行鴈有羣

又不得潤木中州信頗以為念

瑞雪陰為白中丞六十壽

歲已亥冬建丑月臘尾春前三日中丞周甲際斯晨
 萬里祥光飄玉屑滿城霧凇呈奇卉披地霜松挺高節
 孺子亭邊一片明元嬰閣外千重白中野頻來集澤鴻
 豐年預卜連雲麥家飽暖挾狐貂處處謳歌騰巷陌
 天然圖畫入屏障此景難憑粉繪設瓊枝琪樹佳子弟
 水鑑冰壺好顏色眼前無物可容塵世上何人堪比潔
 肝腸如此天所鑒公豈自誇人盡識野夫今年年七十
 來作南州老賓客擬披鶴氅去登堂快與先生吟瑞雪

立春前三日南昌李明府送春牛至口占四絕

句

滿城積雪尚堆堆半月堅冰未肯開忽漫雪消冰盡釋

門前簫鼓送春來

青角烏牛白作唇勾芒中立與鞭春李涪刊誤云月令
出土牛以示農耕

之早晚其年立春在十二月晦則策牛
人當中立春在正月望則策牛人在後硯田別有耕犁

叟已是年開八秩人年開第八秩香山
七十一歲詩句也

也擬看春出曳筇怕人笑我太龍鍾不知柳色東郊路
 再得餘年幾度逢

眼前物換又星移為報風流邑宰知印鎖未開閒趁取
 急傳箋遞送寒詩

立春日楊東崖次前韻四首屬余再疊

敗筆叢書擁作堆閒門除雪徑初開村夫子舍了無事
 大似殘冬放學來

風光劔首劇吹唇白髮平分一半春三十五年真大夢
陳人猶自作勞人

甲子春余客此
今三十五年矣

支扉不出廢支筇隨分鄰沽呷兩鍾細檢曆元重記日

立春甲子幾曾逢

擊鉢聲中漏乍移燈花未卜已先知打乖近得堯夫訣

傳取羊何論卷詩

人日喜辜孝廉會可至即次去年初入書局原

韻

白須紅頰氣橫秋入座爭輸第一籌勝裏有花如送喜
眼前唯醉可銷愁新年未與尋梅約好友何煩出谷求
廊廟山林俱分定勸君莫作杞人憂

時聞西陸將出師
原作有江湖時有

廟堂憂之
句故云

七夕陪白近薇中丞滄浪亭燈宴

湖亭佳處郭東偏元夕剛逢雨霽天碧浪影翻空際月
紅雲光拔火中蓮開成爛熳千枝艷散作溟濛萬井烟
共識與民同樂意滿城簫鼓卜豐年

傷李氏外孫朝英

六歲初從傅居然骨骼成見人知禮數憐汝太聰明殤
後嗟無服悲來劇有情可堪遲莫眼灑泪為彌甥

屋漏詩戲次陳搖上楊東崖唱酬韻

昔漏恒在雨今漏乃在雪雪來絮飄搖雪止汁淋瀝居
停同露宿夢作載胥溺寧煩中流壺賴有中唐甃家僮

習承雷仰面工伺敵一瀉如懸河餘聲猶點滴

哭李壻暘谷二首

明珠乍失掌中珍一慟寧知竟殞身生怕迴腸唯弱女
死難瞑目爲重親短長夢欠從前債露電光銷過去因
盡賣琴書供薄殮世家誰信本來貧

頭白歸來所向窮哭兒哭壻六年中每因小別愁余病
豈料重來送汝終事到傷心難自遣天留望眼頓成空
分明識得泥洹路何取人間作老翁

傳經圖詩柴陞升屬賦

自從科詔興六籍傍注腳先生玉爲律子弟珠在握修
吟接菑畬連楹開講幄主張三尺喙出入四寸學九牛

羣附毛五鹿罕折角可憐遺經在例取東高閣前聖多
微言斯人孰先覺柴生名父子雅慕過庭樂淵源想授
受俗筆恥輕搦向來逐時趨有力不如犖回思巾笥業
至味餘香鬻髻鬢圖畫中梓材勤樸斲人生不朽名豈
必一第擢舉場雖云淹世澤優且渥傳家庶無忝作計
良已慙我亦章句儒詩成有餘怍

白近薇中丞招遊廬山信宿秀峰寺得詩四首

開府香山後匡廬洵有緣官雖膺節鉞性自愛雲泉騶
騎行長減齋壇禮必虔每逢三月節來此祝堯年

御扁名新換山門向不移法雲開麗刹佛日獻晨曦賓
客蓮花幕郎君瓊樹枝不嫌衰賤跡兼與野人期

舊識金繩路重叅玉版禪却從扶杖日數到入山年壬申八月余游開先心壁禪師亦於是歲十月來主法席今二十九年矣白社名相亞靈峰會

儼然所慚根器鈍得道讓兄先心公長余一歲禮當稱師兄

玉峽挂雙龍飛来自半空風雲聲忽合山澤氣常通法

乳流相續僧庖給不窮漱牙還洗眼兩度記衰翁

過萬山寺有懷熙怡長老

我愛熙怡叟對人雙耳聾重來門徑改久坐影堂空雲

氣微茫外湖光隱見中萬杉何處是寥寥但松風

重憩棲賢寺有懷角子禪師

再到棲賢寺蒼涼憶角師雨中煩設榻燈下對論詩存

歿初難料興衰各有時袈裟來揖客舊識小沙彌

恭謁白鹿書院

五百僧房外巋然一講堂曾蒙君子教湯陽菴前輩似曾主教洞學似

到聖人鄉六代詩書澤千秋翰墨光大成殿懸御書扁額對聯

老思歸宿地端合掃門牆

舟發南康不及過圓通寺聞老衲杲庵年八十

餘精力尚如故以詩寄之

名僧多示寂壬申秋住持東林曰宗雷西林曰宗魯大

曰皆生今贖爾古須看夢想曾遊處亭憐夜話時圓通寺夜

居衲故蹟也此身俱向老再見恐難期石畔逢圓澤

三生未可知

星子毛明府餉廬山新茶

山中摘得火前春，
箬籠分嘗味取新。
我苦校書君作吏，
暫時相對作閒人。

答湯碩人見投三章次原韻

南豐湯仲子投我好篇章，
世講久彌篤交情淡故長探。
懷餘湯刺入坐接清光，
翻惜相逢晚須晉各老蒼。
此地論文獻君家一老泉，
富留書萬卷貧守屋三椽。
宦業鄉人諱儒風，
令子傳滄桑多少事，
援筆意茫然。
世味酸鹹外才名出處中，
追游憐雨散持論戒雷同。
冉冉年垂暮，
栖栖道豈窮，
數行相慰藉，
別後見深哀。

題李次侯太守小照

白沙翠竹曾題句

十八年前為司農公
題白沙翠竹江村圖當日將君比鳳

雞八十年來留望眼，
重看老蚌出雙珠。

圖中兩郎君
侍立左右

題亡壻李暘谷小像

跡跡之才馴良之德，
何以馭之勿盡其力。

解一人間逸足

一日千里勗哉十駕，
終期至止。

解二昂昂家駒
覲游泮渙

齒雖加長塗未及半，
鮮吁嗟殞矣神理則那式瞻遺挂。

傷如之何

解四

題朱莛園勸菜圖

食肉何當更食魚，
算來無味比園蔬。
勸君勤把金鴉醬，
種後工夫尚費鋤。

南昌客舍贈別及門樓敬思赴廣州理徑同知

任

劉髯名諸生才氣壓流輩曾攜一尺管出入三殿內憶

昨直武英纂修端汝賴囊錐看脫穎萬里宰苗寨初任粵西

靈川手掃烏白蠻如鉏薶草艾屬鞬偶然事竟以功奏

最邂逅兩中丞陳乾齋薦剡趣入名對 至尊記名姓

寮案增矚睽去日雪濺浮來時浪澎湃南州重見面歡

喜出意外告別乞贈言行赴五羊倅官非百夫長顧領

弓刀隊公然專城居唯諾視進退徑兮亦民耳在宥託

覆載牧之則牛羊撻之則蜂蠆皇天本好生赤子彼何

罪使君來撫字茲理諒不昧男兒屬有才官職大可耐

守身等藏器況乃高堂在三年詎久淹典郡屈指待子

壯我衰頽後期恐難再殷勤效苦語凡百幸自愛

陸聚緱楊東唯自豫章歸應本省鄉試口占一

律贈行

西陵來往渡南浦別離筵得路寧論晚同舟況是仙陸

應慚顧後楊肯讓盧前倚賴秋風便佳音望蚤傳

周子象益竹垞先生外孫也將歸索句贈以二

章

醜舫竹垞齋名流風在名家世孰如魏舒真宅相王粲且傳

書雅量能容衆清言足起子搏扶看直上無分借吹噓

學力君加富年顏我就衰江天星復散人世首重回會

合知何日殷勤盡此杯應憐歸未得一老尚風埃

中伏日題瑞金楊季重秀才深隴梅花圖二首

我昨曾遊大庾嶺梅花臈月已全開君家想在畫邊住
那不叩門衝雪來

矮屋疎籬曲曲通何來一陣過溪風人間炎熱無處避
好入先生詩句中

七月二日大雨

昨日日蝕今日雨陰陽氣候迥不同九津怒漲北流水
一榻快受西來風威挾雷霆尋丈外氣蘇草木須臾中
牀頭有酒且獨酌不覺連釀瓶為空

白中丞內擢少司農以述懷詩索和次原韻疊

成四章兼以奉送

西江清望冠羣倫 帝眷寧容遠乞身公時引疾奏請辭職奉特旨

內及見仁風翔率土洵知直道在斯民時方入闈士子皆不肯赴試意在攀轅也分頒條教家家奉入告封章字字真湯說武陽遺
愛古何如今日滿江津

善政年來次第陳先憂後樂總關身波濤脫險便商旅
雨露流膏徧士民功被千秋心轉細碑傳萬口語皆真
賸留一事逡巡在未濬三湖及九津公嘗欲開豫章溝以蓄洩東湖之水故及之

出膺旄節入垂紳遠近同歸祇潔身地重何妨卿是貳
風清尤喜部稱民匡時有道持孤介報國無慙任一
真貪把新詩再三讀篇終餘味尚津津

南來小住俄經歲萬卷堆中寄此身下榻久欣依地主

僑居直欲作州民雲泥相望殊懸絕筆札時傳恕率真
怪得臨分猶戀戀白頭無望客中津

時志局告竣
余亦將歸矣

讀易至噬嗑適德尹以黃芽菜見餉戲拈一首

噬肉何煩滅鼻為頭中有物好觀頤齒牙落後剛難克
舌在差於軟美宜

客江西踰年歸來庭花盡萎惟紅梅一樹無恙

徘徊其下偶成一律

百卉全搖落孤標省見稀鬪筇枝並瘦刮目蕊添肥去
作經年別來如度嶺歸從渠開早暮與驗發生機

臘寒

澤國愁冬早茅齋閉積陰臘前雷忽奮歲杪雪方深

半月

前雷電
交作


苦竹叢相亞疎梅冷不禁負暄宜野老人有向

陽心

敬業堂詩續集卷一終

姪男

學校刊



敬業堂詩續集卷二

海寧 查慎行 悔餘

湯與集下

起辛丑正月盡
壬寅十二月

辛丑元日用數目字口占八句

吾生七秩又加二五老今為最老夫同宗五人之
會余年居長兄弟
四人三並宅兒孫八輩半將雛從歸田後九年矣自反
胸中一事無幸戴堯天逢再閨龍飛六十效嵩呼

題女史陳書畫松

蒼顏白甲之而拏攫振五鬣兮三針瀉長風兮一壑人
稱矯矯之龍自比亭亭之鶴噫世無張璪與畢宏乃令
閨中女士為汝填丹青

荷葉堂詩集卷二
八日立春德尹招同諸弟小飲

纔過人日恰逢春隔宿招邀及令辰臘雪消檐呈獸友

凍膠吹琰起魚鱗追驪夢忽踰三載於戊戌之冬此會

久疎矣鬥健天猶賸五人一事能無強過分華燈不稱在

家貧時潤木自落
中寄燈至

驚蟄前二日偕寒中德尹西阡探梅

夜聞枕底殷殷雷曉約酒伴尋春來流雲欲釀社翁雨

驚蟄尚慳人日梅南枝北枝渾未動一朶兩朶俄先開

婆娑其下索共笑頭白更何煩汝催

後七日曾三弟招同諸弟再過西阡看梅歸飲
其齋中續成一首

耀眼千頭與萬頭十分可有一分留但逢酒熟邀同醉
不遣花開悵獨游老至幾曾辜節物頻來直為近松楸
杖端攜得苔枝去趁取燈前爛熳酬

兩中得川法師攜新詩見示兼謀及卓庵地因

次東林講席韻贈之

嗟興吾全減煩師為鼓宮病堅持戒力閒得念經功有
路宜防滑無塵可礙空一瓶兼一鉢萬事付痴聾

春寒

臘雪兼春雪春寒甚臘寒池冰開復結野服袂如單啓
戶憐羣蟄移盆誤蚤蘭靜中諳物變應得後時看

月十二日喜得曾孫長齡詩以志之二首

昔作京華客曾傳孟浪言數年前友人至京師傳余已得曾孫及接家信乃曾孫女也十年留望眼今日慰衰門所幸男非女誰為祖抱孫

同堂湯餅會老淚暗添痕傷大兒也

鬚髻何須鑷孫枝又茁庭渾忘吾短景且祝汝長齡仍

世慙黃甲他年免白丁方岳石孫受命詩得免白丁奚啻足留傳窮事業

十葉有專經子家自大理公而

黃梅無雨嘆

舍南舍北單鳩鳴入梅入時一月晴蘊隆蟲蟲地欲裂

日出杲杲天無情人間只有為農苦天且不憐誰恤汝

踏車時節亟催科敲朴聲中泪成雨吳郡志吳人以芒種日謂之入梅後

十五日謂之入時

夏夜

星火乍明滅螢光入檻流近來渾少睡夏夜長於秋

久旱田禾多被蟲蝕鄰翁來告紀之以詩

氣羸滋百勝毛詩箋蠃勝之屬四蟲盛陽氣羸則生月令百勝時起是陽行而生陽盛則蟲起也

早魃爾何驕赤壤沙泉涸青天野火燒憑誰祈好雨無

力救良苗亦有憂時意徒歌湯作謠

佛抱入洋名基德尹長子也

屬望無窮在員纜弟子充禮應加冠字年甫及成童弓

冶名家後門閭喜氣中向憐生校晚猶足慰而翁

立秋閏六月十六日

半年分節序兩月度炎曦天到涼生候人如病起時斬

藤蘇老樹引蔓上枯籬稍悟栽培理勞生未敢辭

遣悶五首

蕪荒十畝田活計聽兒輩老翁無外事灑掃此庭內庭
前手蒔花旱久仰一漑一漑力尚能求多非所逮
葵藿知傾陽牽牛故自匿秋來常早起及此好顏色引
蔓爾許長敷榮憐頃刻人生亦朝露乃復爲太息
布幔設多年與人拒炎威狂風忽吹裂屋角颺酒旗迨
茲暑將徂補綴聊撐支有情戀故物何必遽改爲
達道吾未能課孫此課子隔牆催上學初日漏牕紙雷
霆夜來過似鬪牀下蝥惟有讀書聲琅然偏入耳
涉世已七旬勞形非一徑當時快意處衰退多成病吾

衰吾病宜壯健時豈更醫無奪胎法勿藥羸安命

禱雨辭

康熙歲辛丑閏厄六月杪五行火息水金氣鑠原燎號

萬性不齊可憐羣就燥焚如到松竹况乃灌溉草

梁非灌溉之草得水則病薪醮等摧殘庖廚助煎爇井枯池亦竭是

處開龜兆瓢飲且維艱腹枵詎易飽苗田溥斯害立作

棲苴槁民病思下泉吏才貪上考方徵晉陽絲肯藉琅

琊稻吾寧忍聽睹獨臥憂悄悄巷北走里巫門前來野

老紛然聚其族愁嘆際昏曉或云堯湯年七旱九水潦

周官列荒政六祝五曰禱村中有神社裡自唐宋肇曷

不往乞靈庶登稼穡寶杖藜隨伴出趁此星月皎敢辭

衣沙露翻覺沾溼好古廟散羣鴉荒庭無汛掃片香倉
卒炷覲徹星象表土偶了不聞吁嗟向晴昊天門誅蕩
蕩赤日仍杲杲感應理豈無祈年或宜早況聞兵猶火
早實兵所召不見閩海疆烽烟接窮島出車當此際虎
旅正南討兩邦封壤連免幸輓輸擾平情易地校擇禍
此猶小歸各語兒孫家貧善自保世界苦人多豐年古
來少

結二句皆用唐人成語

勘荒詞

稻根攣縮稻葉焦宿田根莠方驕驕農夫告荒乞申愬
踏勘翻逢官長怒催科之吏晨下鄉田今如此何云荒
直須野無青草木黃落始信天殃愆行虐

七月杪雨二首

元旱經三月農占候畢箕田間苗槁後天上雨來時偏
漑雖無補為災未可知左傳自十月不雨至於五月不
而報眼前瓢飲足相勸忍朝飢災故云

用盡耕耘力云誰憫作勞老夫憂灌灌赤子訴嗷嗷直
怕禾無種上非關土不毛但看稂與稗得雨尚能高

聞制府滿鳧山同年恢復臺灣郡縣馳詩遙賀

五十韻

甌粵梯航路宗臣帶礪盟十年開大府萬里寄長城地
重綏猷遠天高伏莽清鯨鯢安有截蛟鱷靜無驚近置
臺灣郡仍沿海上名荷蘭初窟穴日本繼兼并古未通

中國今方列外瀛漳泉資扞禦羅鳳拓屯耕畝稅登諸
社郵籤紀十更官從遷轉便商視去來輕守土非憑險
浮家慣逐羸 盛朝當遠馭小腆忽潛萌側聽妖氛起
懸知羽檄橫厥初傳警急其勢劇猙獰劫庫俄焚署
旗遂斫營羣呼烏易合謁負虎難櫻推赤虞懷毒葢
慮涕羹黠雖同鼠竊貪或甚狼爭即事歸經略何顏敢
抗衡大都遁藪澤不異聚山棚幸可鞭箠及寧容癘疥
生撤烽宵拜疏傳箭曉提兵詎待師中命方專閩外征
廈門移玉帳浪島接金鉦風雨來馳驟雲雷動滿盈謀
猷元老壯紀律丈人貞勦撫宜兼用恩威在並行蠱應
周後甲巽必戒先庚銷鑠熖蒸氣宣揚赫濯聲熊羆供

臂指金石貫精誠遣將符分竹潛軍木渡嬰登厓持赤
幟映水載青旌餘勇收番舶前茅破啄評竟褫關白魄
那免夙沙烹束縛駢頭至枝梧一足輓乞降殊慘澹積
困失趨趨立見屍填壑毋須觀築京搗巢腥滌蕩奏凱
日晴明鋒鏑兒童避壺漿父老迎別甄功罪吏招復版
圖氓六月戎車飭三秋賊壘平踰旬除獬偷尅日掃欃
槍師貴神而速功惟斷乃成東漸敷 聖澤南顧慰
皇情優詔便蕃錫 殊恩委任榮墨纒煩視事華衮重
留卿坐握中台節歸影上相纓雲臺星象列麟閣畫圖
呈公自修文德人皆賀武英誰操燕許筆好勒鼎鐘銘
重過青芝山展座右徐公墓

再入青芝路佳城四望開伏龍延地脈馴鹿護松栽兩
世恩加厚公予大司空亦奉新綸子祭墓故云千秋首重迴老餘門下士
知得幾回來

題武進楊笠乘孝廉詩卷二首

少陵上下古今意多在成都十一篇

杜集中戲為六絕及解悶五首皆在

成都時作元裕之論詩三十章做此

愛爾論詩續元後不曾餘潘拾前賢

都序誰能重太沖賞奇兼恐乏司空還君行卷為君嘆
可惜不逢潛采翁謂竹垞也時楊以詩乞序故云

題陳崑發九還圖

陳生示我九還圖丹青妙絕神與俱鏡中有花水有月
湛湛之體如太虛三身一性塵無惹離相方能超般若

畫中看畫孰為真形外寓形多是假老夫好佛不希仙
著句殊非蠟腳禪觀色觀空空即色與生同證大羅天

沈仁山送菊

閒居愛重九斟酌吾誰與一棹赴嘉招對花兼命侶陽

前一日昨為芳圃客今作柴籬主也擬續前遊臨觴愁

獨舉時沈方止酒

食蟹有感

稗是荒田稻民間敢告飢無腸憐若輩多足自能肥補

子無腸公子蟹也楊子一蟹郭索注云多足貌

德尹梓樹橋新居落成詩四章

喜聞成室在斯朝淡水塘東第二橋

咸淳臨安志鹽官縣有淡塘即今水

塘義取去塵兼近市易說卦疏為白取其風吹去聲傳也

伐木似遷喬粗營別墅三間足只隔西阡百步遙指點

小時遊釣處幾人白髮伴漁樵

同居同爨原初志莫問陶庵與邵庵用虞伯生兄弟事宅買一

千鄰百萬謂曾三田山環東北戶西南吹來隔岸畦風好

汲處通泉井味甘我比斯干還善頌不生女子但生男

晨霏暮靄接氤氳邾魯聲從擊柝聞三里詎同千里遠

子瞻與子由詩有不見便同千里遠之句兩家初自一家分子孫賢必師吾

儉童僕頑須策以勤聽取王褒申後約力將灑掃代耕

耘

梓材自昔宜丹雘得地今堪里巷誇三徑垂成先補樹

十年作計勝栽花肯堂肯構情相屬為瑟為琴事豈賒

從此老兄長蓄眼莫教桐樹讓韓家宋人稱韓子華兄弟為桐樹韓家

第七孫生戲作洗兒詩

家門為祖難辭老人世生男不厭多祝汝長成無別法

小名端合喚僧哥歐陽永叔家小兒有名僧哥者一長老在坐戲謂曰公不重佛何取此名

公笑曰人家小兒要易長育往往借賤物為小名如狗羊犬馬之類是也聞者絕倒

題雙松晚翠樓圖為毘陵莊仿鶴封君八十雙

壽

八十年前十八公當時手植今成龍畫師畫龍非畫松

墨光散作雲蓬蓬仙山如雲凡幾重雲開日出露兩峰

丈人卓立碩且豐天姥娟秀排芙蓉其下雙幹爭相雄

蟠根厚地靈氣鍾
茯苓雪白琥珀紅
倒拔千尺摩蒼穹
樓居乃在翠蓋中
何來巢鶴鳴向風
此聲不與凡聲同
殷勤寄入瓊瑤宮

李義山畫松詩
路入瓊瑤宮

徐茶坪題拙集見寄四絕書來索和戲次原韻

吟癡符比和凝集

王伯厚云和凝有集百卷自鏤板
行世此顏之推所謂吟癡符也

望人傳入菽林王炭自慚殊少味
可堪分啗與知音

柳子厚答崔黯書中意

及記雲藍咏舊聯近從吳體得新篇
玉溪才藻世無匹

降格如何擬下賢

年少楊郎有舅風
句如彊敵體兼工

令甥楊笠乘亦有詩見寄此心

相醉不在酒氣味清于象鼻筩

一犁歸老傷時晚
四海論文笑眼空
輸爾得名三十載
頭今未白蚤稱翁

吞金陰為烈婦葛曹氏作

之死以自誓義惟殉
藁砧如松無改節
匪石豈轉心
萬古有長暮千秋方自今
誰編烈婦傳
采我吞金陰

周柯雲以詩索酒戲畬之

白墮成烏有

用章子厚送酒事

青蚨化子虛
杯乾重九後
驪臥

七旬餘

以上四句僕自謂

無酒誰酌我
空函好報渠
乞漿須在

酉

古語云太歲在酉乞漿得酒今逢儉歲似非其時

檢曆問何如

以澆酒一罇貽柯雲聞其有和詩三章而不具

寄意蓋嫌少也再作此調之

賣菜多求益為君酌損之一罇供卯飲半醉聽晨炊得隴宜知足將詩博解頤木瓜期永好投我勿遲遲

懷姪紹

聞汝攜妻櫃辭親自北旋荒涼傳旅食時山左迢遞赴荒旱租船野燒千林斷河冰十月堅可無書一紙安穩報殘年

喜雪二首

雲氣低迷海氣昏窮陰連日暗孤村兒童起報夜來雪九十九峰齊到門

家家茅舍爨無烟何法商量抹目前鴉鵲啄泥蝗入地好從來歲望豐年

再過當湖喜晤翁蘿軒

無事能相憶扁舟兩詣門秋田經夏曠冬日就春溫身健長如此官貧且勿論別中安慰意各喜得曾孫

蘿軒屬題仗節渡海圖

浮山來自東海東合羅為一羅羣峰中有仙人五色蜺奉使遠赴蓬萊宮下視古珠崖浩浩積水空乘槎客星天上落文光南射杼長虹飛報海神正直能感通神之來兮蜺以告百西旋繞官艨艟高桅枝亞樽桑紅前驅蛟鱷逃魚龍坎男平展一泓水巽女順效三更風須臾歛渡五百里自我往矣歸來同回頭却望九州外際天一氣青濛濛繪圖兼題詩詩好畫亦工為君展畫楷

雙瞳遽遽形開栩栩中昔遊非夢恍如夢此境試叩蒙
莊翁

賑飢謹

官倉徵去粒粒珠兩斛米充一斛輸官倉發來半糶穀
一石纜春五斗粟然糠襍稗煮淖糜役胥自飽民自飢
吁嗟乎眼前豈無樂國與樂土不如成羣去作倉中鼠
兀坐啗效香山體

贖者視惟明盲者聽必聰兩官互為用缺陷相彌縫今
我殊不然眼暗耳復聾無聞亦無見兀坐成癡翁逝將
塞其允母勦說雷同作詩以自箴庶免尚口窮

兩月來連送荊州季方兩兄及聲山姪葬感賦

吾宗衰已甚窳窳復連旬賸得扶藜手頗為執紼人
知寃魄妥儉諒子孫貧幾點將乾淚偏傷後死神

潤木陞學士

初傳當換秩京堂員缺弟方列名引見隻日忽宣麻唐制學士院於隻日宣麻冷
署官仍達空囊俸稍加一門岐出處二老謂余與德尹借光
華人指東西屋多稱學士家

七十三啗壬寅元日作

白髮高堂咲語參滿卮春色進黃甘雞聲驚起兒時夢

五十年前二十三夜夢壽醒而追憶五十年前先安人見
背余時年纔二十三怡合詹義成語遂借用之

憶在武英春殿裏五更冰雪趁朝參而今日宴猶高枕

花甲周來又十三余年六十奉旨領武英書局

送春簫鼓到城南詩被催成酒半酣此景回頭如昨日

年開八秩已加三已亥冬客南昌答李明府送春牛詩有現曰別有耕犁叟已是年開八秩

時之句

我咲山陰老學菴閒中往往好高談隔年甫乞宮祠祿

又嘆窮愁七十三陸放翁年七十二再乞領宮祠其詩云七十人言自古稀我今過二未全

衰明年又作七十二陰則云髮無可白方為老酒不能賒始是貧何前後自相戾也

三杖篇并序

癸巳夏將出都揆副相自塞外寄送赤藤借山上人亦以桃枝贈別乙未春客遊三山老友林同人復貽樓竹一條先後有詩報謝自爾家居無事日

常摩娑間一出戶必攜以自隨因成長短句一章

世出世間同心無幾感茲故物久與周旋遠銜故

舊之情近資將伯之助老懷裛觸不覺言之長也

文端揆公諡遠寄七尺藤瘦筋入骨堅稜稜林翁近貽一

尋竹肌理年深滑如玉紅椒所贈材稍慳稱意亦復輕

而園初白庵中幽獨叟叟一杖三成四友平生遊好凡

幾輩及此衰遲誰耐久自從得三杖重結物外緣導前

行徐徐顧影來翩翩不傷世尊面不倚洪崖肩不化葛

陂龍不叅八棒十三禪入我左右手不計於國於鄉年

有時課農桑卓立古路邊有時問酒家高挂阮修錢有

時少簷看牛斗有時曳向柴荆前有時登臨試腳力扶

持直上青山顛有時用其一更番出入循環然有時一
 不用舍則藏耳非棄捐人皆嫌我懶爾乃周旋護其短
 人皆強我迂爾胡步步趨亦趨杖兮杖兮爾之三身兮
 本一身釋典以法報應為三身自天作合兮非無因吾方愛爾如
 弟昆兮親爾如子孫何有乎管鮑兮何有乎雷陳彼四
 海九州之人兮又何勞履我即而過我門同年皆四海九州之人語
 本昌

正月十日起曾三之招偕諸弟西阡看梅

好是花期卜復更前四日見邀為雨雪所阻花光照雪眼尤明禁當
 臘底連旬凍報答春來兩日晴人事過年多變態天工
 於我豈無情肩隨諸弟頭皆白又作山前一隊行

席間戲嘲德尹

合與寒梅作主人花時往往亦稱賓東家酒熟西家醉

卜宅方知為卜鄰

德尹新居西去曾三纜數十武故云

元夕招諸弟小飲二首

數數貪相見寥寥歎索居為歡宜卜夜隔宿費傳書歲
 儉稀村鼓圍荒曠野蔬勸餐殊少味亥日也無魚香山詩亥

日沙頭始賣魚今從市中覓鮮鱗不可得故云

海國春長晦山堂冷欲冰一尊元夕酒幾盞舊年燈取
 樂非絲竹披懷勝友朋薄雲如作意相送月微升

驚蟄前一夕大雪壓折庭梅一桮

驚蟄庭梅發方當爛熳期橫遭連夜雪壓折近窗枝枯

苑原關數倚難詎有知老翁為蚤起惆悵獨移時

送沈麟洲之任文昌兼懷同年盧仲山及門孫

洪九時盧宰臨高孫宰瓊山皆文昌鄰邑也二

首

去國資裝儉嚴程里數長初為秉傳客舊是校書郎碧

海天無瘴生黎峒有香故知非俗吏改邑領文昌沈於武英

書局議叙初掣茂名改授今邑

交遊多遠宦往往隔音塵復此臨岐路因之憶故人京

華送孫楚江閣別盧綸不附書相寄為言嬾是真

次韻屠艾山中丞閱吾邑塘工紀事四首昔少

陵和次山春陵行而不寄元竊仿其意聊志築

塘始末沐膏澤而咏勤苦草野之情自不能已

也

重聞海底出桑田拯溺心勞豈偶然土本無情能尅水

人今有力可回天行看瀉鹵同剛鹵時至前賢讓後賢

從使鹽塘堅似鐵咸淳臨安志鹽官縣一城何止萬家

全

捷石頽林徧井閭剝膚長恐化為魚但祈河伯新相屬

或覲陽侯射可祛前此有用藥河隄法課民間下策隄

防多類此頻年畚鍤最憐渠賴君來砥中流柱歲晚方

休力役車

雲夢寧論八九吞閒憑里老慰驚鳧身隨汨出餘生幸

眼見塵揚有數存萬竈騰烟迷黑白二儀噓氣判清濁
蛟鼉遠徙鳥驚樂汎渚眠沙比在壘

漁帆樵舶任西東夕汐朝潮兩信通龕赭鎖江收牡鑰
塌尖綿岸吐雄虹幾人築室如謀道他日爲輪效轉蓬
千古隨刊歸禹蹟未聞海外奏神功

德尹自新居乍歸復有吳行朝來偶過補屋辛
夸方花口占一律招芝田弟小飲

主人昨日返先廬冒雨連宵又入吳乙鳥不巢書屋冷

辛夸自萼海棠枯庭前舊有海棠一本今萎矣騰留寂寞娛詩老那

免顛狂憶酒徒小摘畦蔬供薄醉眼前有景肯教辜

喜韓自爲過訪村居

吳興前輩盡尊甫子蘧先生及海角故交疎豈意停歸座主徐蘋村先生權猶煩訪敝廬采詩千載後自爲有近詩兼之選野無供給非君孰諒余

雨中牡丹戲作吳體

錦帷錦幃貧家無風雨故來侵汝膚半黏半落袖上唾
一瀉一斛懷中珠爲誰含咲忽成泣向我低垂可要扶
安得南唐名畫手調丹與寫沒骨圖

楊致軒命工寫補衲圖自題四絕句大抵皆寓
言初白老人不欲一語道破贈以六言四偈拈
華微咲正不必從大衆索解也

偈仄藕絲針孔直從古到今還珠誰開左手補衲自

貯苦心

情難校銖輕重口戒言雖有無待赴投鍼機會耐加磨
杵工夫

隨身不挂寸絲傳法纔留一縷本來無縫天衣忍說西
穿東補

去且打包行脚歸當縛律坐禪金粟影中頭面木犀香
裏因緣

題沈房仲所藏湯少宰西厓畫卷二首

淋漓五株樹墨氣互瀆薄試問輞川翁何須着印壑

人人讀公詩惜少見公畫我今領其趣妙豈在詩外時

子良集屬校閱故云

罌粟花

投種記中秋向榮及初夏閱時嫌汝久開眼迨我暇穀
雨初過旬牡丹已前謝繁葩相繼發紅紫弄嬌妩轉瞬
三日中流光激如射紛紛豔質委一一青房亞感此花

得名象形出假借罌儲能幾許囊括乃無罇亦名米囊自從

去年旱穀貴吁可怕野人方忍饑望爾甚望稼謀生遑

遠慮是物貪速化少待粟粒成石鉢付碾研煎熬比牛

乳何有乎燔炙撐腸或無力養胃庶有藉以上六句煎

蘇子由藥苗詩中此法勿輕傳吾將高索價

初夏連雨獨酌

夜倒茶藤架朝翻芍藥叢只消三日雨又過一番風春

事眼看盡芳樽誰與同朱櫻青豆莢問我忝鄰翁

喜晴

麥壠風來煮繭香桑疇雨過熟梅黃好花辭蒂半成土
新筍放梢齊出牆習嬾連朝忘盥櫛為鄰幾戶返流亡
曝書曬藥吾生事也逐田家四月忙

閒中觀蠶蠶作窠惡其顯設柵機而憐飛蟲之不知避也感嘆成十四韻

長踦蠨蛸族天生性不廉醜形皤爾腹毒網匝吾簷一
目初抽繭千絲乍滿奩團團行小磨細細織疎簾巧自
星邊乞身長屋角潛女工偷緯經去軍法竊鞞鈴意阱
方施設心兵孰戒嚴螻蟻穿孔礙蜂蝶被繭黏竟少周

防智能無掩襲嫌此難逃越喙彼或遇羅鉗有命胥愁
觸靡求不取兼禍憐飛處名貪問幾時厭物類多相賊
生機豈盡殲微嗟聊託興即事感秀峴

次韻同年李耆三南昌署中見懷之作兼寄令

弟少峰明府

瓊林一會散如煙官職才名孰兩全開却種花栽錦手

昔三曹幸江都今去官好題濯錦浣花箋戲用韓滂兄弟事聞君唱和成

新集使我低徊憶往年安得因風生羽翼難兄難弟共
盤旋

得泉法師自徑山歸以茶筍見餉戲畱一偈

茗柯實理能悟玉版新參孰偕何福消磨清供為師二

十九齋

吳仁璧詩二十九齋餘日在請君相伴醉如泥

小暑勸農辭

兩旬赤日過

平黃梅稻針渴水田生埃人情方憂去年

魃天意突回

小暑雷農占云小暑一聲雷倒轉做黃梅謂多雨也披蓑走勸

耕耜侶斗柄指丁宜藝黍四方水旱吾不知近與村鄰

紀晴雨

淮南子夏至加十五日斗指丁則小暑

送楊致軒赴淮上並簡總河尚書陳滄洲

營生畎畝中外事百不知夜枕來好雨晨興課耕菑有客將出門扁舟過我辭云當謁父執遙沂清江潄似聞淮黃交海道廢不治上流漸填淤漕粟行遲遲去冬數萬艘回空去悉後期河臣日坐肅公帑徒虛糜九重

南顧憂宵旰允在茲天下有鉅任楚材起當之矯矯湘

潭公望隆朝野毗司空職水土特簡非疇咨下車甫

三月積弊端端釐別開延攬途奏入報可隨顧惟需

才際適往夫奚疑憶昨陪南巡開河議方滋聖聰斥勿

聽仁被枯骸黜使者免冠謝跪聆切責詞子時理北河

底績在下邳桃花千里浪故道復一支上考記姓名把

麾旋量移西涼極邊郡忍使恃養違棄官返子舍色咲

依庭幃三年檀州城形影肯暫離父在代父勞父歿扶

櫬歸銜哀舉大事龜勉獨力措子性實至孝子才故難

羈焉能盛壯年鬱鬱長衡茨大儒況當道行矣得所倉

音依與輕車就熟路成此一段奇我有肝膈語殷勤劾

臨岐子家門閥高仍世澤未漓願為良馬逐莫作芝駕
馳曹輩豈乏賢心期古為師奢須示以儉愛必視乎施
上為國惜財下亦量已資謹身而節用歷試何不宜贈
行意盡此或勝酒一卮

四時行樂圖為張楚良題

春

眼前自饒春意何必三十六宮紅藥扶頭宿雨綠楊踈
地輕風

夏

蕉陰似薄非薄桐葉雖多不多竹八桃笙瀟洒樓鞦蒲
扇授搓

秋

水北水南霜氣船頭船尾衣香離離人影花影的的濃
粧淡粧

冬

童子開爐煮雪幽人倚檻披氈兩看喜氣浮動又得新
詩幾聯

題潘銘三孝廉相馬圖小照四首

房星偶然降地上有騏驎紛紛阜櫪下孰是九方歎
杏葉韉未施桃花色堪愛君其賞神駿或在驪黃外
骨有買千金才誰展萬里人間高築臺請自郭隗始
曹霸丹青手逢人亦寫真試看相馬者此豈尋常人

題沈紹衣遺像四首

人稱沈隱侯自比林君復竹外一梢梅梅邊數間屋
少壯記同遊廣談讓虞筆神理宛然存呼之疑欲出

拙閒吾好友

陳六謙

澹遠吾賢從

家聲

兩三幅上句五十年

年前夢

二人各有題辭今亦下世

久在人間世孤懷語向誰還將病風手追和草堂詩

哭馬寒中四首

含咲君過我含懷我送君悲歡朝夕變來往死生分性
命脆如此流傳駭所聞從茲當食嘆不獨感離羣

是日晨過

余午餐尚健飯輟筋後忽云頭暈亟遣輿丁早之歸中途氣絕矣

一發真難救從知病有根禍深同室門痛徹九原竟豈

少相關意終慙未盡言數行身後泪無補是生存

十里南塘路歸兮認故居一生豪氣盡萬事蓋棺初妾

守牽蘿屋兒收插架書詒謀須善體兄弟好相於

太息歸田後何人問草萊嬾知吾少出勤望爾頻來造

物忍相奪孤蹤良自哀徑荒門尚設行復為誰開

長生木瓢歌

有序

塞山千年松瘦內侍采以為瓢覆如蝦蟇仰如荷

葉中容一升許體輕而材堅叩之有聲乙酉秋隨

駕避暑口外蒙 恩頒賜者閩中林鹿原取少

陵詩語名之曰長生木瓢八分書其旁閒愬檢點

舊物以歌紀之并邀德尹同作

老蟾爬沙離月戶走上寒巖古松樹化而為癭質漸堅
雪錮冰膠肌理附夜叉欲割電火燒頭未及張其背焦
不知閱世經幾劫大似箕山舊挂瓢中官采同豫章撲
兩洗泉澆出新沐豹胎折骨僅留皮驚甲剝腸殊少肉
外睥兩目頭微頊暗仰擎無柄幡幡荷旁敲儼聞聲閤
閣中翕能受形幡幡當初曾滬官廚酒拜賜居然落吾
手今來飲水每思源甘與支離分相守詩人好古命以
名杜章可斷標長生瓢乎瓢乎汝之真率吾所愛毋逞
狡獪伎倆復變蝦蟇精

建蘭盛放戲成二絕

新芽續續茁陳根可惜看花眼漸昏天與此翁留鼻觀

秋來香到第三番
名種何須九畹滋閒堦也長子孫枝癡懷尚作明年計
手剪花盪供佛瓷

小春天明窗吟

閉眼則見暗開眼則見明問窗窗不知多緣吾眼生紛
紛黑白花變幻靡定形丈室修止觀滿前水清泠盡除
昏暗鎖勝闔光明經

淨八吟

八淨豈有垢塵來集無端方其初集時拂去良不難既
拂旋復集我勞何時閒有心斯有塵應作無垢觀毋為
一塵役流轉心目間

古杏山 先奉政公祠下老桂四株每歲花時

觀者襟沓余兄弟年踰七十曾未一寓目中秋

前七日德尹治具攜紹姪及沈甥房仲椒園偕

往小飲花下得詩二首

山從金粟近分支中有吾家古桂祠百尺煙霄扶老幹

兩朝雨露長孫枝天教人健兼無事僧報花開正及期

七十餘年輕擲過只爭一日勿嫌遲先一日相約為微雨所阻

小春天氣氣清和邵堯夫詩以八月為小春天恰喜招攜少長過風

出牆頭香馥郁日翻屋角影婆娑瓦盆瀉酒三升釀芳

樹攀條一曲歌聊解鄰人嘲笑語子孫來少客來多

重九前三日庭桂復花適聞德尹自吳門返棹

口占招之

倏過中秋已二旬再開花似為歸人明朝便恐紛紛落

何暇招呼夏及賓謂東亭曾三芝田諸弟

後二日德尹乃來花落矣

今年夏旱秋無菊賴有深叢發晚香昨日不來今日落

可憐明日又重曷

九日不可無詩湯賦

古來此節非今始天下何人似我閒無酒無花省留客

不風不雨罷登山秋高烏帽黃塵外興寓疎籬落照間

獨把一篇酬九日從他雲物咲慳頑

吾邑海隄告成制府滿鳧山疏請立海神廟親

來度地於小尖山麓 皇上御書協順靈川四

大字錫之扁額用示褒崇壬寅仲冬藩臬二長

下風不祇承臺檄蒞止廟中虔恭將事慎行老病里居

古來此獲逢盛典敬賦俚言以志不朽云

路轉山迴海接天高囊巨楸鎮山前神封不以公侯重

睿藻長如日月懸雲散蜃樓呈象出波平龍窟抱珠

眠堯民同此安耕鑿來與 君王祝萬年

戲咏案頭哥窯唾壺盃

小器託名製流傳自章一咳唾承幾人今來入我室我

非王處仲汝口保無缺

長齋繡佛圖為楊笠乘節母賦二首

庭下一梧桐初生鳳已孤桐今高出屋辛苦鳳將雛

佛力隨人願年深事果諧孝烏能反哺慈母愛長齋

再為笠乘題江天一笠圖次原韻二首

魚尾殘霞照水紅健帆劈箭指遙空渡江桃葉不用楫

自有少男少女風

浪白青天曉日紅飄蕭一笠好凌空人生快意偶然爾

若是順流休使風

皇帝於十一月初四日恭聞 大行皇帝於十一月十

三日賓天而詔使未至小臣病廢家居不敢草

草成服搶地呼天悲哀欲絕旋復收召魂臆賦

輓歌四章祇自述銜 恩負痛之私至於 帝

德皇猷充浹宇宙詳於記注千古為昭固非
草莽蕪詞所能形容萬一也

皇帝升遐率土知北來 哀詔尚遲遲家居水遠山窮
處耳聽天崩地坼時却望雲霄心似醉未填溝壑命如
絲此身直是拖腸鼠流落人間浪自悲

功高參贊道彌綸鴻澤靡涯造化均乾健坤貞時久泰
日暄雨潤物長春兒童今作耕耰叟卿相誰非教養人
六十一年無改號始終 堯曆兩壬寅

臣本無才拔擢優旋憐衰病許歸休篋藏 宮硯蛟螭
護架奉 宸章日月留楹帖兩行珠十顆堂顏一笏玉
雙鈞貧家何物非君賜說與兒孫總泪流

一昨曾充侍從班如今視息愧投間 起居路隔千官
外頂踵 恩深廿載間弓是烏號驚忽墮鬢隨龍去杳
難攀傷心枕上春明夢髣髴猶疑覲 聖顏

敬業堂詩續集卷二終

姪男 學校刊

敬業堂詩續集卷三
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

敬業堂詩續集卷三

海寧 查慎行 悔餘

餘生集上 起癸卯正月 終乙巳五月

雍正初元再逢癸卯余年七十有四矣江海餘生
 陰情未廢正如病馬嘶櫪枯葵泣霜竊取東坡此
 意名此集既以志感亦以志痛也

敬題康熙六十一年曆後

王春天上賜官書花甲山中紀閏餘蚤是孟冬頒朔後
 重逢開歲改元初青陽左个迴羲馭斗柄東方轉帝車
 節物不殊年號異敢將新舊比乘除

舊有餘波詞二卷原稿失去將四十年沈房仲

楚望椒園兄弟忽以抄本來歸即用詞字爲韻
口占二絕謝之

綺麗餘波入小詞枉拋心力悔難追依稀四十年前夢
重拾亾簪事亦奇

故物來歸喜可知木瓜原是我家私相投敢謂瓊瑤報
兩首詩償兩卷詞

二月三日再過西阡看梅適遇沈椒園遂與偕
行時德尹以腰痛不能出故章末戲及之

臘尾曾經冰雪催旋經風雨又經雷枝頭欲落未全落
眼底先開讓後開天好一春逢幾日身閒半月到三回

半月來與仁和符趙二生及吳興沈厚餘韓自爲輩兩過此故云腰輕腰瘦宜相傍故

與東陽結伴來

題沈房仲閉戶視書小照三首

俗物與書仇紛來奪尊嗜愛此卷中人胸無戶外事

人方用三冬爾乃取九夏梧竹滿清陰翛然坐其下

吾衰苦善忘鑿壁仰鄰照蘇老有成言得君如再少

去冬過當湖重宿化城精舍紅椒上人初自嶺

外歸出遊草見示合有詩來索和以四絕酬之

化城菴外水如天每到東湖愛泊船禪老麤償行腳債

詩翁重續對牀緣

消息流傳恐失真親從六祖證前因黑灰堆裏尋衣鉢

辛苦南華禮足人

識取寒泉不二門散花千偈似瀾翻平生痛癢相關處

拍掌中看帶血痕來詩有吾道痛相關之句

水月洗開雲霧窟廬山面目現當前從今便結紅椒社

何必青松有白蓮來書云將歸老廬山相約續青松之社

喜曾濟蒼學博見過次見貽原韻

菰蒲新漲拍村橋鷗外相尋獨倚橈歸路爾貪千里近

離羣我嘆十年遙蚤時風格追思曼末俗交情感孝標

酒間語及徐淮江後人忍負眼前林底月直須酪酊到深宵

老友張漢瞻自膠城來有詩感舊次韻奉酬

京洛追隨不計春推移俱是兩朝人故交屈指年年減

邸報傳聞事事新居近幾家滄海曲謂唐考功東江王給諫學菴詩

留一卷太湖濱往有橘社唱和漢瞻曾刻於吳門明珠魚目休論價草

木終緣臭味親時以新刊文集見貽余亦以拙刻奉教

題符天朗聽琴圖小照

絲布澁難縫譜成惱儂曲綠珠所作餘音一以散古調復誰

續不愛指頭纖只怕指頭俗老耳劇分明寒泉韻秋玉

又題竹里勘書圖

邊孝先腹十萬卷庾蘭成賦三兩竿置爾於雲窗霧閣

擬之以青瑤明珩

哭東亭弟六月十九日

旬來聞伏枕旦日走憑棺吾哭得無慟汝貧翻為官功

衰凋喪盡子姓荷承難後死餘家督腸枯感百端

六月廿四夜枕上作

季夏之月魃行虐三旬苦熱兼無風暗雨臥聞來自北
明星起視生於東民勞尚懸飢渴望吏酷聊借驅除功
杜陵句似為我設未免憂國思年豐

及門符幼魯將入太學來乞贈行之句

海隅夏大旱處暑暑未徂符子將北遊肩輿叩吾廬告
別乞贈言此意胡可虛我持一盃酒味薄分去聲有餘酌
子不盡觴行行勉相於男兒屬有志寧甘老鄉閩京華
聲利場太學才所儲天衢關賢路馳騁誰不如筮易得
同人謹於出門初豈惟交道爾願以類推諸

元旱苦嗟四章

居非永熟鄉兩世且拙宦歸田踰一紀仰屋屢永歎初
來親故疎近遣僮奴散兒孫累十口穉弱居過牛頗覺
生理艱頽齡乏長算何當委時運付以一咲粲

荒政緩催科明明 新詔制陋邦亦王土徵發當此際

皇天久不雨瞻仰星有暝郡符夜到門猛挾雷霆勢貧
家窘倉猝慮不及卒歲盡典禦冬衣而充夏秋稅

年年秋八月種菜及是時自從亢旱來風燥土不滋荷
耬破完塊投種計已遲甲折稍萌牙去聲口甘如飴鳴

呼菜色民自古乃有之今方愁歲饉豈獨啼年飢

此鄉本瘠壤寥落窮毗居樂歲尚歉歉戶鮮升斗儲十
年罹海患疾痛況未舒熬波久無鹽竭澤兼無魚何以

置此輩俾安作息餘吾詩尚可風聞者盍采諸
重陽前四日沿海隄入邑城道中感賦

愁臥閱十旬閉門何所之今晨偶爾出目觸中心悲海
霧一氣黃秋陽敵炎曦黍苗槁旣盡禍及菜與蕘有如
經戰地顛倒橫僵屍果然周餘民慘慘靡子遺赴死聚
百族偷生無一機曷不呼彼蒼天高聽宜卑傷哉莫以
告造物非不慈田間老秃翁罪歲微有辭身謀良自拙
遑恤斯人飢

絕句
十月九日重赴沈仁山賞菊之招席上戲拈二

涉夏經秋旱太甚問花那得此精神一池水抵三時雨

辛苦朝朝抱甕人

遲開猶及領晴光日薄風輕未有霜只算今年秋帶閨
重來恰好是重陽

菊花中有名舊朝衣者戲咏之

借緋借紫儘無端俗眼多從一例看衣不如新人已舊

枉呼贊善作朝官香山詩好以東都白贊善被人猶喚作朝官

題勝子姪牧牛圖五章章四句

飯之則肥飲之則瘦緩爾商聲聆子雅奏一爰四其足

可菑可畬亦兩其角可以挂書爾牛來思釋茲在茲

既辭輓輓盍解厥縻黃金龍頭飼于黍牢與其為甯

毋寧為陶出關者青露地者白自我牧矣各適其適

解五

徐觀卿將北行有詩留別次韻奉酬

鉅若鼇戴山微如螳冠粒履幽則坦坦用壯斯岌岌君
 才眼罕儷君語口恒溢半月脫朝衫窮年事細笈躬承
 馬班後學富鯤鯨吸勝國史未成嗣賢合重葺烹雞用
 牛鼎少膾取多汗嗜篤來眾濟衿開祛積習東江老名
 宿謂唐實君惠好稱朋執浥彼古井深資予修綆汲羅千網
 必萬牌九糲或十義以晰精推時乎視闢翕寧非明堂
 材盍奏清廟什行藏勇內斷聲譽恥虛襲峩峩野史亭
 燦燦傳家集為鱗雖久潛在羽難終戢 新綸紹前局
 初震發羣蟄人皆推掌故官甫踐末級巾笥快提攜直

廬供采緝歲增廩稍豐月受喻縻給同僚斂手避先輩
 下牀揖尺木階徐升登瀛門再入矯首有抗顏和衷靡
 子立所期擊汰往安事臨歧泣贈處例當酬蠅蝨附驥
 鬣山蔬忝饗薄村酒勸飲溼遠道懽莫追餘波感猶及
 志士覲業成吉人貴辭輯從教衣帶緩肯作少吏急功
 名況時至庸可俯而拾去去慰民望吾方詠臺笠

題徐子貞大司空遺像

我出師門垂四十年通家後進獲奉周旋公之視余猶
 稚弟然晚追前躅同返林泉幸不負夫初心遽舍我而
 逝焉官止于司空壽躋乎老傳式瞻畫像儼睹生前蓋
 逝者其萎而不亾者其天

徐青藤墨牡丹為視遠上人題二首

濃墨點雙花枯枝綴一極目中無尹白放筆自成家
不數洛陽春不上天彭譜愛此甘露瓶紋如衲衣補

題金匡秀戶部南廬圖卷子

婁江之水深滄浪幽居宛在天一方展開八尺好橫幅
令我興發神蒼茫耕烟筆妙呼欲起圖為王石谷所畫快比并
刀能剪水樹高竹密綠兩涯日薄風微香十里飛來紙
上疑有聲采蓮歌逐菱歌生亭臺占斷清涼國宜爾三
人遺宦情人間炎熱吁可怕亦有扁舟思穩駕題詩預
作隔年期來就圖中消九夏

哭唐東江考功四首

獨上扁舟逆風滿天冰雪到婁東賸含溼面雙行泪
來哭平頭九秩翁與我相忘形跡外感人尤在朴誠中
矯時肯擬朱公叔自此交情見始終

華髮登朝僅兩年賦歸樂事在林泉招邀鄉社耆英友
成就師門繼起賢君歿後數日徐觀卿以輓章寄示其述相成之韻上瑞人方

占壽國少微星忽隕吳天九原可作夫奚憾自信千秋
業必傳

曾將尺素寄相思亦有流傳肯見疑無間可容纖芥入
此言唯許兩心知麤償晚節行藏約細檢生平贈會詩
最後一篇皇甫序不教眾目笑論癡今年正月君為余敘詩集

門館郊園次第開昔遊幾度獲趨陪十年齒序推兄長

半榻塵封望我來同調云亡應共惜輓歌相續有餘哀
海山兜率茫茫路老向人間首獨回此章追述京華舊事兼傷揆文端公
時文端下世已七年君集中
及揆詩有見示語故及之

甲辰正月重訪佟陶菴同年於江寧試院感舊
有作一首

嶺南經判袂海上繼卣杯忽漫七年別猶能千里來短
長踰隴夢辛苦佐時才君由西寧軍前奉萬事蒼茫外
重逢又一回旨起用故云

跡忝朝廷舊身叨禮數優入時庸自棄出谷偶相求柳
色回青眼梅花笑白頭感君期我厚長恐負千秋曩承
刊拙集
故及之

上元前二日陶菴以詩約遊清涼山次韻奉答
令節長多雨連朝偶得晴陪遊原有約索醉豈無名香
詩獨醉似無名稅杖扶身健芒屨稱腳輕老嫌簫鼓鬧
借君作題目準擬入山行

元夕偕陶菴中丞遊清涼山寺
山號清涼寺並稱此山此寺冠金陵展開碧落千重網
湧出紅蓮百萬燈勝踐肯隨殘劫廢佛殿新危欄知得
幾回凭宰官說法吾來聽或恐身為過去僧

題秦淮丁氏河房二截句
一派淪漪漾小波風光其奈早春何亭臺夾岸參差影
老柳無多新柳多

荷葉堂言集卷三
畫社詩壇半寂寥百年塵劫履綦銷依稀記得虞山句
丁字簾前是六朝

贈清涼中洲禪師

師在吾鄉住十年風塵南北見無緣眼前一片清涼界
二老相逢亦偶然

經史紛紛入剪裁黃山賦可壓天台波流雲委三千字
一句何曾杜撰來師有黃山賦皆集古人成句爲之

戲柬蔡鉉升

饑鳳軒前隕客星杜濟璞菴歿後少詩朋王廷銓能談五十年來事
一個墮官蔡鉉升高唐賦長吏墮官賢士失志

席上留別陶菴鉉升中洲禪師適至

高僧來入社開府出登壇韻門千巖險唵求一字安足
增行子重敢竭故交歡江渚禽魚便新篇寄不難

自金陵至丹陽歸途即事口號六首

莫愁湖北莫粟橫淳化關南朝日生不管羣情方望雨
出門一步但祈晴

茅菴僧勸趙州茶遙指坡陀去似蛇爲說井枯池亦竭
前頭漸少賣漿家

野無青草麥無芽捲地風來撲面沙遇著閒人還借問
前村何處有梅花

應試諸生半跨驢就中不少鄭昌圖相看一咲休相避
西抹東塗是老夫二月補行癸卯鄉試

滿眼流移大可憐憐渠所至遇凶年絲毫何補飢寒色
忍為看囊惜一錢

古邑句容隻堠邊僅通車騎不通船詩翁來往無人識
獨結孤燈信宿緣

送李邑侯罷官歸武功二首

名含英甲子科乙榜秦人

思歸若箇便成歸簿領抽身似爾稀昨日罷官今日去
萬人海裏羨鳥飛

武亭川外武功天禁旅西征近十年留取濟時心力在
讓他卜式去輸邊

薄遊二十日歸時西園西阡梅花已零落而盆

中三本開方爛煬戲成二絕

落盡江城笛裏花主人索咲始還家盆梅亦是移根接
不為東風長妬芽

見黃伐檀集

舊圃新阡本一家天工人巧略爭差遲開畢竟先桃杏
及作春頭替代花

庭有柔木二月初吐小白花花皆五出因名之

曰雪梅

紅梅已死十年前植者盆梅謝五出輸他密綴條比似雪花

看更好入春一月不曾消

石芝

出南海中鄭北山集所云石花也

海南有異產瑤質波濤姿靈苗豈根蒂歲久成菌芝土
俗名以花泥沙誰惜之我來遊嶺表瑞物始見奇歸無

千金橐石肯萬里隨刷以止濁膠澤以無垢脂藉以錦
文石承以縹色瓷平階水一泓森若干頃池中央好位
置為爾呈華滋上有蔚藍天倒涵星斗垂秀有金鯽鯉
吹唇搖尾鬢鬻蒲須漸長荇藻交紛披芝兮得其所永
與山海辭喚醒嗜睡翁此品不療飢吾姑悅吾目君毋
朵君頤東坡有夢食石芝詩故戲云喚醒濛濛嗜睡翁亦蘇詩語

牡丹花下偶題

吾生去日多來日春事今年減舊年可惜風光太狼籍
疆扶衰病到花前

潤木新居看玉蘭次德尹隔日雨阻原韻兼示
上姪令錄寄京師

唐昌玉蕊豈易得木筆愛吐瓊瑤花倉皇不費萬金買
先後特爭一日差遲開正爾及爛煬治具公然出咄嗟
吾廬無此聊藉口夜醉東舍晨西家

德尹新居看牡丹二首

新堂既已成名種移牡丹鞋紅玫瑰紫深色鬥兩般迨
茲風日晴家會欣團圍買栽洵得地好與兒孫看是日信菴

自開化歸諸姪諸孫俱在坐

吾庭非無春其花名玉樓昨開值驟雨爛煬八十頭名
客客不來主人翻出遊先一日招諸弟子家軒為賞花之會被雨阻有情定

遙妬易地為勸酬

哭承兒四首

汝兄四十八捨我而逝矣汝沒後十年數亦止於此兩
哀併一慟推感胡能已明知贅世翁必無久存理所傷
門祚薄壯殞先暮齒生汝兄弟三眼前惟一子竟今去
如夢未遠呼應起

小年故多病慮作短折童亦既見成人庶望送我終天
乎忍降割奪去仍匆匆復價費於金積孱氣不充有時
或彊起好語聊慰翁誰知藥罔效竟坐室屢空

四女各未字三男盡孩提汝在稱慈父汝亾累孀妻一
母將七雛故巢且羣棲饑寒雖僅免晨夕同號啼老耳
實怕聞聞之彌愴懷吾今已耄及嫁娶何時諧

汝叔苦相勸謂我勿過傷人生百歲中壽天齊彭殤六

十且不毀矧迺七十強禮教有格言嗟嗟吾豈忘那堪
垂老境重此邁逆喪委蛭視子孫達觀媿蒙莊收聲欲
制汨汨落復數行

七夕邀諸弟作真率會先三日為芝田七秩生
辰兼補壽觴席上口占四絕

一家舊注長生籍合算今年得幾何四個老人三百歲

更加百歲宵辭多

四個老人三百歲用香山成語

不問賓筵與主筵更番酌必我居先此觴只算屠蘇酒
得歲還應讓少年

人生七十古來稀萬口流傳老杜詩咲引南華為轉語
行年七十似嬰兒

斗牛光並老人星銀漢中央界紫庭但願年年仍此會
借君生日倒吾瓶

七月十九日海災紀事五首

門前成巨浸屋裏納奔湍直怕連牆倒寧容一榻安卑
憐蟲窟掩仰羨燕巢乾海闊天空際誰知寸步難
借穿殊少屐欲濟況無舟我怯行攜杖兒扶勸上樓雞
豚混飛走鷺鴨亂沉浮小劫須臾過茫茫織室憂
不有匏瓜苦渾忘稼穡甘奇災悲目擊往事聽農談高
岸翻為谷窪居直似潭連山浮島嶼幾點戶東南
驚覓招晷刻沉氣晦連晨身似乘槎客誰為裹飯人滔
滔方滿地衮衮總迷津久在人間世徒嗟閱歷頻

水無沉氣

出國語

亭戶千家哭沙田比歲荒由來關氣數復此覩流亡痛
定還思痛傷時轉自傷艱虞吾分在無計出窮鄉

武原故人陳少典下世垂五十年尚未克葬比
聞棺木被海潮所漂感傷存歿作詩寄其子行
中

一棺猶淺土聞說被潮衝痛矣兒無父傷哉殯未封居
貧須量力擇吉乃逢凶

行中精於堪輿家術故云

骨朽難逃劫吾將
罪毒龍

李氏外孫女歸寧其母於南昌詩以示之

汝母年四十無男痛孤孀我時在汝家目睹心悽愴回

頭汝在側肩差如母長弱女良勝無含哀解徊徨亟歸
為擇壻近出諸孫行前春遣就婚去秋聞弄璋老人破
涕笑稍用慰所望為婦已三年禮宜見姑嫜却愁形與
影生長未離孀女出孀孤單依依誰侍剪送汝至中道
此情良可傷愛割乳上雛隨親返南昌分飛二千里東
下錢塘江逮汝夫婦來我復遭逆喪匆匆暫相見悲喜
焉得雙西風吹斷雲診夢占不祥俄來南浦信又報無
服殤人間內外嫻歡聚恒充堂天胡於此酷觸境羅奇
殃歸寧亦可憐母在雛則亡想當重會面斷續難為腸
切勿念老人老人行自量世無消愁藥可有長生方

題仲弟查浦後甲辰圖小照十六韻

鄉黨吾廬會高堂學圃圖

學圃圖先大夫甲寅春畫像也余兄弟四人及大兒克建

咸侍列圖中今五十一矣

承顏猶宿昔過眼特須臾賤日雙青鬢

歸休兩白鬚得兒雖校晚投老倍堪娛

弟生三子皆在五十六十以後

漸愛隨肩侍長聽隔壁呼

用南齊劉歊兄弟事推先讓黎粟交替

飲屠蘇樹是三珠茁庭非一鯉趨自啜牛舐犢人羨鳳

將雛膝下添文度

去冬新得一孫亦入書毫端識長儒見北史文苑傳閒

依髹几坐健却癯藤扶喚出從花下排行繞屋隅起居

方遞進左右亦時頌偶作分巢燕均為反哺鳥行看孫

牛角勿忘去

父勤劬笑問多男子何如五丈夫更煩名

畫手貌爾比商瞿

商瞿老年生五丈夫子竊為弟留眼望之

送沈楚望赴汴梁幕兼寄楊次也徐象求

之子梁園去詞華洵絕倫
幙僚稱得士村巷感居人
夢豈江河隔情兼臭味真
此中多舊好毋惜附書頻

海魚嘆

并序

吾邑未罹海患以前城西有巨魚隨潮至約千餘
觔潮退閣沙附近居民割而食之不半月而來海
潮之禍客有傳其事者作此以補前詩所未及云

永明海鷺移山來

南齊書永明九年鹽官縣石浦有魚乘潮來水退不能去黑色無鱗土人呼爲海鷺細鱗不數菜黃給之給不可勝食

居民分齋彼

何罪天遣先期行告災浹旬以後洪流至鬼泣神號無
處避怒聲似爲魚復仇千萬生靈吞一氣魚乎魚乎倘
有知孰噉汝肉割汝皮如何了不分恩怨一任波臣恣

虐爲

中秋與佟陶菴中丞相遇於江陰舟次邀同月
下小飲口占一首

清涼古寺上元遊重展晴光爲我留一咲可知無價買
萬緣何必有心求主張風月推壇坫舒卷波瀾入唱酬
絕勝虎山橋畔路兩頭絃管作中秋

蘇人皆望先生於是夕至虎邱故云

吳船口號五首

潮痕初退岸猶淹直過吳江水始甜賴有具區三萬頃
不然瀉鹵盡生鹽

東鄰禾爛相無春西舍居然畝一鍾肯信報施皆鹵莽
惰農方欲傲良農

水厄初離大海濱人天孰與指迷津忽然石觸舟中裂
悟徹平生有漏因過許聖關石觸舟

往來屈指一旬中南北東西總逆風勿與此翁同此路
鄰船豈必盡無篷

黑白何心角逐雄黃羊枰付水流東依稀十九條邊路
也算仙家小劫終舟中與尊聞姪圍碁遣日

吊秋花二首

貧到今年甚栽花徑并荒客疎閒步屨庭失好秋光枯
槁翻因水摧殘不待霜感時覘物變渾似閱滄桑
為少成陰樹從添覆地花頻頻滋灌溉歷歷萎泥沙涼
蝶飛何處秋蟲話別家陳根如不死春雨望萌芽

題從孫東木說劍圖小影

擁書仗劍真名士看舞徵歌亦雅儒令祖聲山有仗劍擁書圖尊甫恒弘

喜得三弟潤木請假省墓之信四首

忽忽京華別回頭十二年自嗟衰已久重見恐無緣喜

極淚隨落書來夢告先前一夕夢與諸弟共飲梅花下蚤梅消息近猶

及草堂前

一紙平安字中含慘痛辭乞歸寧論暫得請敢嫌遲

恩重身難退天高聽故卑自今方計日倚杖候柴籬

至性吾憐汝頽齡似弱齡銜哀思往事燔告慰先靈

再世恩榮速千秋雨露零岡阡松栢路冬月倍青青

海角承基業秋潮冒石塘三間僅無恙十畝已全荒身
在貧何礙詩成病亦忘古來無此樂四老話連牀時四弟信

庵方赴省試計當同歸

製地黃丸十韻

恒醫多試藥久病守成方客或餐雲母吾唯服地黃豈
無他佐使兼取理陰陽味甘為正材尤熟者良飯蒸
資穀氣酒洗帶糟蕪幾遍親炮炙移時謹棄藏磨臍霏
白雪白杵擣玄霜夜和丸加蜜朝飢燕用湯參苓從長
價藜藿等充腸若問延年訣君看髮短長藥性論云熟地黃久服變

年白延年

重陽前一日曾三弟招同德尹芝田登龍尾山

歸飲齋中口占二截句

十年幾度記清遊一壑能專又一邱輸與主人筋力健

咲看三杖拄交頭

余與德尹芝田俱杖而登山曾三獨否

髣髴前塵付夢遊認將龍尾作旌邱

詩疏前高後下曰旌邱釀錢

可是看囊物爛醉歸仍拄杖頭

是日曾三獨為主仍以百錢見還故云

九日閒步橫漲橋西過玉禾堂晤言思百原存

叔季益諸姪憶五十年前曾借荊州兄登宅南

小邱感嘆之餘得一絕句

五十餘年指釣遊憶同把蟹撇新筍竹林便是西州路

賸對諸郎半白頭

言思年過周甲百原亦五十七

洪梅岑自珣溪過訪即次去年投贈首尾二章

韻用訓繾綣之情

隔年曾讀七篇詩同調如君更不疑久缺寄書成懶慢
重煩弭懼訪衰遲菊荒陶徑仍留客楓落吳江已後時
慰我寂寥何以報敢從鷓鴣路指鴻逵

俗談肯置齒牙間一笑相逢飯顛山知我者希應自愛
古人如作許誰攀漸消實事休回首竊忝虛聲抵汗顏
借取尊前秋好處滿川風月送君還

自海潮退後旱乾凡兩月餘立冬後三日風雨
連晝夜身在畎畝憂樂之境與鄉鄰同率成一
首

大潦之餘重苦旱入冬一雨沛窮檐村翁旋報麥芽茁

爨婦先知井味甜天澤下施方是益民情取足詎傷廉
餅罌滿貯煎茶水解渴充饑兩莫兼

題徐學人茶坪書屋圖

易於水澤交中又有頤象聖人喻諸味義在五與上苦
雖不可貞甘則往有尚詩家釋茶薺彼此互相妨甘苦
味絕殊譬形非一狀茶坪至性士即事寓意匠中有涕
淚痕么絃出哀唱圖來屬繼和畫好神悽愴我欲釋其
神展圖咲相向苦中適得甘一物取兩況祝君如諫果
甘至苦可忘天方憐斯人今亦蔗境償上吾詩非適俗
良用慰瞻望

題沈勉之春江待渡圖

尚書言集卷三
易曰有待行詩云須我友通乎需之義利涉夫何有韋
強矯後急軒輕視前後萬事靡不然時來隻成偶命圖
寓深意識者為領首

四杖圖歌

并序

雍正甲辰秋潤木以省墓乞假信菴南宮下第仲
冬望後相繼到家時余年七十有五德尹七十有
三潤木已開第七秩信菴最少亦平頭六十矣白
首兄弟重聚一堂此生此樂何可多得沈子松年
為繪四丈圖圖成余首唱一篇屬諸弟共和

兄年杖國兮弟杖鄉昔之少壯兮今皆老蒼伯兮仲兮
偕叔與季杖亦如人兮一二三而四

語本皇極
經世書

天教四

杖兮配四翁落我手中兮入我圖中斯圖閱世兮知凡
幾世安得斯人兮世世為兄弟

從孫東木贈我石徂徠集及舊墨二挺口占以
報

平生慣使雪堂墨眼暗愛看抄本書勿咲老饕貪盡取
譬嘗能掌得兼魚

東木與楚望疊魚字凡七章連翩傳示再拈二
首以奮來意

才地評量總不如連朝踏凍費傳書兩賢健比雲端鷓
一老嬾於冰底魚

插架徒然萬卷餘只圖遮眼不繙書詩成亦用白描法

免得人譏獺祭魚

來詩諤余歲書之富故有此會

東木前祝初從楚望轉致詩中未之及楚望有

詩見督戲疊來韻兼示東木

清況原從君所於報章草附一行書衰顏忘事類如此

重為蹄筌記兔魚

椒園自杭歸用魚韻繼和四章見示再疊奮之

賸馥殘膏吐棄餘免冠自哂不中書何來好句如香餌

十丈寒潭又出魚

用呂氏春秋語

多生有味在三餘不是還書即借書童似蟄蟲愁啓戶

主方漑釜喜烹魚

垂白慈幃暮倚閣平安兼望海南書詩人至性吾能識

彈鋏歸來豈為魚

來詩用馮驩事故云

霜雪侵陵日月除一尊與爾且澆書賸留五色雞披羽

待配春盤潑刺魚

時餉我野雞先以臘酒報祝新年尚擬作主人也

喜雪九疊前韻

冬早旋經兩月餘朝朝咄咄向空書欣欣喜動看閒色

雪兆豐年夜夢魚

烏程王懿誦明府以潄酒八壘見貽再疊前韻

都門醉別十年餘念舊重煩咫尺書與致青州八從事

不愁換酒少金魚

雪後同德尹潤木於西阡裁翦松柏枝即事十

二韻

五百新阡樹參天待幾時縱饒心欲速夫豈力能為方
法咨林叟權宜問葬師皆云扶直榦切戒蘖橫枝趣取
冬餘臘母拘日反支及朝行展視有道在芟夷斟酌供
薪獲商量用斧斯攀條防損葉近本怕傷皮翦伐初何
忍栽培擬自茲養成非易易競長勿遲遲鹿去寧教觸
烏來定引慈好留君子澤傳語後人思

甲辰除夕與德尹潤木敬業堂守歲

十里東西宅中央是舊廬但教頻會合何異昔同居就
我生春色前十日巳立春故借用杜句為歡卜歲除白頭三醉叟相
顧一軒渠

乙巳元日偕潤木飲德尹梓樹堂

夜點霏微雪晨開爛熳晴吉占逢上歲漢書天文志正月旦決八風東北為上歲殘醉續深更門冷稀賓客年衰有弟兄欲知排日
樂童穉也歡迎

三日偕德尹過潤木雙遂堂小飲

橋北生春水橋南泊舫船爾雅注舫並兩船也堂開書插架池動
柳含煙此會經三日吾生又一年未須論聚散取樂及
尊前

信庵四弟自開化至貽我頭陀蘭一盆

海水如鹽變白沙小庭羣卉少萌芽未栽堂北宜男草
忽到山中侍女花見采蘭襟志捲幌移盆香馥郁迴燈入畫
影交加東風吹過寒梅信笑問蘭陔有幾家

再詠頭陀蘭

有美猗猗蘭山人時藝成瓦盆移澗谷滋護從孩嬰歲
久葉紛披寶同翡翠嬰見歸田錄是宜有佛性故以頭陀名
我本老比丘宿世偕修行對之莞爾咲亦若弟見兄適
當春蚤時抽穗百十莖蕊者含其芳秀者揚其英深叢
如自匿高榦或自呈方將入我室豈獨列我庭我庭窅
而深我室幽以清中空無一有百竅延虛明微颺何處
來鼻觀先通靈霍然蘇病骨邈矣遠俗情同氣何待求
同心何用盟但看露地住爾汝胥忘形大品云須菩提
說法者受十二
頭陀其八
為露地住

元宵後一日德尹第二孫彌月再同諸弟作湯

餅會

昨夜燒燈節團圓正及時今朝湯餅會少長復於斯却
喜抱孫蚤渾忘生子遲回頭看乃祖顏色尚嬰兒戲用
老萊

送潤木假滿還朝四首

百日期俄滿依依旦夕留情應關棗夢亦戀松楸繞
膝餘黃口迴腸感白頭稻粱恩漸重何敢說長休
屈指平生日全家聚會難當初殊未覺此去若為寬盡
撥形骸累徐商出處安古來朝市隱直作故林看
要津居不易况乃近鸞扁密勿絲綸閣承明著作庭昏
歸恒掃軌曉入必侵星前輩如趨步司徒尚典刑謂張
研齋

尚書

直伴多卿貳歸休獨老翁十年供奉後一夢欠伸中起
廢恩長負隨班命不同定蒙相問訃為道耳全聾

潤木北行後喜學庵弟到家二首

壇坵文章伯儀曹主客郎官曾居粉署歸只守茆堂鄉
黨人皆敬蒔鱸味正長起予腰脚健踏屐到南塘

送迎連日有出處一家中且喜辭朝客重添合釀翁兩

省雖雪白雙頰尚霏紅偕隱年相亞如何不約同余及德尹

先後歸田年皆六十四學庵亦然

會城諸子寄示燈花唱和詩卷戲作二首補未
盡言之有

短檠平纔二尺高燭或三條艷蕊能含照芳心怕被挑

開原資火力落豈待風飄老眼渾如霧從看漸漸消

到處傳鄉信更番報客過隔宵疑有識詰旦總成訛螢

星光相似蠅頭燭幾何防他蜂蝶咲輕命是飛蛾

當湖過高文恪公墓下有感

天上巢痕掃人間鶴夢回新松陰漸合宿草客誰來廢

瑟餘三嘆題詩擬七哀自傷遲暮眼轉瞬閱興衰

重晤借山和尚時將歸老匡廬故後半云

東湖吾所愛訪友復尋春可嘆論交地唯存出世人嚴

武於去年下世烟波寬放艇雲霧密藏身二老心期在隨方西總

比鄰

以陳鳴遠舊製蓮藥水盛梅根筆格為借山七十壽口占二絕句

梅根已老發孤芳
蓮蕊中含滴水香
合作案頭清供具
不歸田舍歸禪房

偶然小技亦成名
何物非從假合成
道是搏沙沙不散
與翻新句祝長生

曉渡泖湖

扶桑初旭射波紅
人在波光浩淼中
一葉舟如千里馬
落潮時候挂帆風

大司農華亭王公哀輓六首

速事 仁皇帝初終五十年
官評崇歿後物望繫生前

進退同僚式詩文異域傳
龍髯攀莫及銜痛遂終天

公薨於雍正癸卯中秋距先帝升遐僅九月

公豈當言路時方競楚風
長男談禍福俗子走盲聾
不藉祛邪力安知衛道功
問誰操白簡袞袞咲諸公

秋公官讀學時劾朱方旦事

昭代龍門重先朝
信史成褒譏歸直道
好惡民平情事大
關千古心勞萃一生
後來加點竄此任恐非輕

春公奉專勅纂修明史事今史局重開故結句云

巾箱家世業鄭孔有箋疏
兼綜紛紜說重煩
考證餘荆榛
芟藝苑雲霧闢經畬
倚賴醇儒筆流傳秘監書

未春還朝奉旨纂輯毛詩傳註事

承家多令嗣柄政有賢兄星叶乘箕兆旌題去國銘

宸衷餘震悼朝典備哀榮公已無遺憾徒傷後死情

門生門下士時世溯淵源別有酬恩泪深蒙知己言壬午

以後慎行入內廷荷公獎許迥出儕輩佳城瞻望近平湖縣界內畫像典

刑存醅酒陳詞意還應徹九原

陶庵中丞來撫吾浙寄示重到西湖詩兼索和

傳語以十章為率次韻如數報之

一篇乍展兩眉頻官紙投來寂寞濱值得白家飛醖賀

江山管領屬詩人白香山詩且喜詩人來管領遙飛一盞賀江山

花應含咲柳舒翼老葑重開淺渚濱一色春波三百頃

可憐魚鳥總依人時重瀆西湖

聖主當時愛笑嘖用淮南子陪游十日此湖濱鷗喚醒眠

沙夢可有鷓鴣隊裏人來書語及丁亥春隨駕至湖上唱和事

重傳魚素語含嘖與致珍羞到水濱野老忍充藜藿腹

鄰家還有斷炊人後十日承手書相招兼貺珍味

十室相看九額擗連年水旱厄東濱福星一點明吳越

多少人間望歲人

烟雨先開西子鬢遙從海滙浙江濱願推睠負交意

次及鷄衣穀食人

霜松雪柏青冥上弱藻疎萍沼汜濱地望雲泥心不隔

眼中誰似繡衣人

兩回款洽長江畔一度追隨南海濱今作部民應自量

竭歡宵效掃門人

用漢書魏勃事

已成嬾病兼衰病合臥漳濱與潁濱辜負先生懸榻待

愧非徐孺子其人十首嗟成抵效贖靈珠一握在淮濱讓君頭地君應笑

我是車前避馬人

春分前補種庭下草花

客土移根茁嫩芽遠從僧舍近山家衰年不作多年計
繞砌仍栽草木花

德尹旣和種花絕句復反前意作一首有惟應
茂叔庭前草不費栽培也不除之句再次韻畲
之二首

隙地纔寬尋丈餘被人比並浣花居浣花溪上花饒笑

少陵

成句是草如何不剪除

少陵又有除草詩

百卉全腓蔓有餘鵲巢何異被鳩居靜中勤徹因材理
花要栽培草要除

以拙集寄高大立蒙披七言古體長篇推許過
分非所敢當輒成小詩八章報謝兼寄曾濟蒼

初聞檐溜響空庭又聽東軒鵲喜靈報道門前春漲起

雙魚來自菜花溼

木中地名大立自署菜花溼老農

纏綿真足慰相思已得君書又得詩不獨易春難繼和
久將殘錦付邱遲

自排小草未經芟慚愧詩存尚致籤

用皮襲美句

老去敢云

聲病少特煩高手與鍼砭

曾記京華把一篇曩在都下錢蔗山曾當時唱和獨無

緣直從常侍論家學五十工詩自可傳來篇有四十以

故用高達夫

便從于野筮于郊義在同人最上文說與後生曾見否

年將八十始論交

門稀剝啄故人疎比並耆英正不如同學尚餘曾子固

謂濟蒼也歐陽永叔罷官依舊比鄰居

無佛稱尊亦可憐白頭兄在弟之前謂家好邀張文為

同社許我誇張作少年君年長余一歲故戲

百里煙波悵兩鄉停雲南北互相望尊羹未落秋風後

宵棹扁舟過一嘗

曾濟蒼扁舟見過匆匆即去別後寄示五律三

章次答原韻

自聞辭學舍冰雪到家遲不爽經年約君癸卯見寄詩

晨夕還縈落月思有情來弭棹無夢到牽絲轉悔念念

別煩君又寄詩

各有煙霞癖多忘草木形跡尚歸鳥鶴情比在原鴝家

集光相射清風座可銘時以尊甫學憲公清所慚無以

報歸去但空船

鄉社新農侶名場舊飲徒一生回白首萬事失東隅笑

我方迷野從人欲問途延年如有術相勸服菖蒲來詩

許同晨夕鈔書事截蒲之句故用抱朴子韓衆傳中事奉畬

德尹以堦前大紅洋茶花二律來索和次原韻

特因來處遠小本亦名葩似剪珊瑚樹旋開寶相花雪

中猜作火地上擲成砂寵極宜深貯翻嫌出屋茶山茶出屋

人未知唐人句也

妙手誰能繪施丹別有方趙昌有山茶圖東坡題云劍南樵叟為施丹染根

從赤土耀眼奪紅桑曹唐詩海畔紅桑花自開難減一分色如聞三

日香遲開寧免妬芍藥在偏房

牡丹一叢手植窠軒堦下已十餘年去秋亦被

潮淹春來花頭頓減十之五感歎成吟

手植芳叢傍蘚階曾經爛熳起樓臺只圖春好花長好

不道吾衰爾亦衰物性近憐多天闕天工敢信盡栽培

何煩翦却開松徑知是花時少客來貫休詩春來老病厭迎送剪却牡丹

栽野松

上巳前一日徐韓弈左田父子見過留飲花下

今年已分負芳時連日敲門匪所思鄰舍晚分紅曲酒

前一日家東木醜琥珀釀故人晨赴牡丹期禁當齏齒重開戒旬來因齒

痛止飲撥觸唼脾又得詩花若有知應見哂合將宮體讓

徐摛

祝良仲兄弟邀同朱敬修及子姪輩葆光居賞

牡丹感舊五首

遇酒逢花每自憐當前光景記從前分明一枕繁華夢

再到俄經十二年

甲午春赴賢昆弟之招余有詩紀之

檢點尊前少一人

賓季下世已四年

老夫制泪且開翼郎君謂勉

仁好比階庭樹世澤長培手澤新

殮和堂與葆光居兩姓相望十里餘眼見祝家花若此

朱家庭院問何如

敬修所居殮和堂前亦有牡丹一叢花時不到四十七年矣

嘉辰省對亦前緣日薄風微穀雨天含笑入門扶醉返

愛花兼愛主人賢

慚愧吾家淺淺叢開時只好伴衰翁翁衰事事粗知分

歸勸花神拜下風

烏程令王懿誦同年樓村賢嗣也到官半年三

枉信使惠好有加野人乏芹曝之獻二律報謝

兼寓感懷

半年三問訊一一到衡茅美酒開君甕新烟出我庖情

深車笠際誼託紀羣交十卷傳家集流傳重手抄時以尊公

詩集屬余校閱

故人凋喪盡萬事轉頭空不有鳴琴宰誰憐採藥翁溪

山鄰壤隔晨夕往時同曩在武英書局與出處何曾判

於今見古風

喜晴戲示鄰叟

海角濯水旱桑田歲無收今春蠶麥好到耳一解憂何

期立夏來晝夜雨不休蠶饑麥委浪彌望成荒疇鄰家

有老翁仰睇蒼蒼愁呼天訴疾痛淚亦滂沱流天意驀

然回如人轉雙眸風驅蝶竦翳日出崑崙囚災弭斯為
祥即事非外求綠葉既沃沃良苗仍油油我关謂此翁
汝今已白頭拭汝交頤泪聆我擁鼻謳西成所未知春
花鄉人以蠶麥為春花幸有秋且須費斗酒偕我壠畔遊踏泥行
插秧決水使瀉溝此乃兒輩事母叅老人謀

三月二十九日枕上作

入夏六日半陰晴月當小盡天將明堦前初開蚯蚓結
門外亂打蝦蟇更殘花遞風凡幾信新葉滴露時一聲
年年送春如送客自我作主能無情

四月朔德尹招同諸弟西阡看梓花曾三不至
末章專及之八首

村北邨南路不賒西家攜杖過東家此橋恰與花為識
梓樹橋邊梓樹花

四株直幹兩行排十八年前記手栽老守墓田差自幸
直從拱把見花開

玉蘭雪落海棠紅讓爾稱王萬木中二十四番都不問
遲開猶壓棘花風陸佃埤雅云梓為百木長故呼為木土

遮牆出屋勢亭亭一色晴光耀眼明不是詩人嗟不到
被他楸樹竊花名羅願爾雅翼云梓即楸杜詩楸樹高花媚遠天當是梓花也

椅桐一例可為琴誰識年來長養心傳語花神須善護
已成材後望成陰

閒向山前把一尊深慚令弟慰賢昆王右丞詩平原思令弟康樂謝賢昆

五楸莫作三槐看只要家風及子孫襟五行占舍西種梓楸五令子孫順

孝少陵又有五楸詩

散盤索采酒盈升邂逅為歡取得朋却喜居鄰連二仲

謂芝田何妨末座置吳興謂沈椒園

小雨催人入醉鄉白頭狂得且須狂用香山語兩回輕負看

花約前二日亦不至故云笑問一翁有底忙東坡詩有底忙時不

來肯

四月八日雨釋氏以此日為彌勒佛誕雨則主夏旱

佛日宜垂照農占視耗登望晴翻得雨為咎怕先徵俗已凋傷極吾尤感歎增所憂非越分生理自無憑

知止嗟效康節體

知止聊從止足徵牀堪跌坐几堪凭餅花落後休迎客
禪杖閒來侍定僧俯聽蛙池憐蚪跳仰看鷓路笑飛騰
呼兒試問春苔色綠上庭階又幾層

晨起聞縑車聲喜而得句

蠶桑原是吾家業五十餘年廢不治自先淑人卒後朝久不聞此聲矣

夕飽餐奴婢嬾詩書責教子孫癡力難與國充耘耔用昌

黎語意取如期佐繭絲時方急催科忽聽縑車聲動處喜於雙

耳未聾時

寄祝文昌令沈麟洲六十生日

三千歲月從頭數六十纔經第一回野老今朝隨客賀

釋迦昨日抱孫來先一日有得孫之慶火山荔子長先熟瓊海桃

花或後開火山荔枝四月先熟見東坡集傳語鶴書徵
不遠簿書寧復滯仙才

馬素村北歸見過

進士幾時進太白詩有進士不得進之句素邨於歸舟

暫海涯未尋松菊徑先過竹林家
舊折銷愁酒燈繁送

喜花別中何限事歡喜問京華

庭前香櫞一株自正月後脊令相繼來巢者凡

三入夏復添第四巢見者詫為奇事感成四章

似求同氣得專爻京氏易傳同氣為專爻注云兄弟爻也四月看成第四

巢好笑先生生計拙一庵說文三載未編茅禹鴻臚為余繪

初白庵圖幾及三十年矣

新綠陰交戶牖鄉連枝穩穩寄連房直同譽樹韓宣子
來與貧家告吉祥

破卵焚巢事出奇依依擇木詎無知只除風雨漂搖患

此外吾能力護持

次第隨羣不亂羣五家成保四成鄰語出唐書婆娑此

樹還三嘆知得幾年為主人

四月晦夕雨中夢遊西湖

孟夏提月月沉魄晦日為提月見公羊傳仰視重陰方濛濛三更

飛夢到西湖直上孤山少登殿千年華表鶴羣散百歲

叢林僧履隻諱輝禪師年九十九於兩月前示寂夢中了如此獨來遇雨可奈

何對此茫茫感今昔水仙祠前行喚渡權轉蘇堤春漲

拍忽磨明銀豁雙瞳旋起清風扶兩腋琉璃萬頃冰一
片倒寫天容落澄碧船頭魚躍浪參差船尾鷗輕烟滅
沒漸深漸入漸蒙翳半篙抵岸如投隙遮頭蓮葉青出
藍掠面荷花紅壓白中有高人沿岸住遲去我門開心
莫逆曲闌幽榭道使前沉壑漿濃分琥珀為言塵世苦
拘局紫蓋丹霞爭掃席曷不相從汗湯遊浮名於汝終
何益余時含意笑未答霹靂一聲檐瓦擲覺來依舊兩
淋浪疑有湖光滿虛宅

沿南塘至花山觸目感懷口占以當鄙諺四首
去秋海岸折奔潮開口經年未有橋老子不知生處樂
賸留枯眼閱蕭條

災餘仍慮復為災魚鱉殘生大可哀 聖主何曾忘海
角潮神前月受封來

向來畚鍤嘆徒勞保障方期鐵石牢昨日皇華馳驛過
已傳會計析秋毫

不插青苗種木棉忍饑數到授衣天問渠微命絲難續
何法支吾度半年

黃梅紀爽

播種多黃萎如遭旱魃焚雨痕青沒草鱗氣白成雲樂
土今安適奇荒古未聞空煩春夏應候趣耕左傳賈逵

注春寫趣耕
夏寫趣芸

次韻訓陳宋齋閱拙集見寄之作

與君降同庚惡月獨在午壯齡失前猛餘照晚補捫
腹本空疎報耕宜葬齒千秋著作堂敢望坐廊廡師門
昔多士存者今纔五同邑受業黎洲先生之門者凡十五人今唯宋齋廷益梅溪余及德尹在耳
相去復參商雞鳴感風雨如余走流汗僅可籍湜伍
傳業君庶幾後先期踵武猥承獎許加喻以莊蝶栩三
都覆酒甕世尚譏傖父矧收爨餘薪而謂翹中楚秦彊
乃盟趙齊大顧下莒小技古所卑詞章奚足數君方勤
纂述萬卷恣搜聚吾老未廢書粗亦識甘苦素心樂晨
夕竚跂共傾吐

次韻答吳興沈寅馭見投四章

平生出門交獲覲天下士王楊旣掉鞅屈賈亦劓壘吳

興憶昔遊山水東南美風流及前輩觥錄互作使一別
三十年好奇未知止舊人眼中盡回首腳頻跂夢入鱸
魚鄉秋期猶進擬詩來若相導喜色浮杖屨

遙遙沂華胄子載幾望族獨有約後人到今擅品目一
村無兩姓門第不改卜緬惟襄敏公世緒待爾續撫今
萃羣俊望古騁遐矚才氣直靡前虛懷恒抱獨側聞鄴
架富足用三文讀為善無近名莊言視緣督

至戚遠漸疎時風薄尤最投名肯顧我欲下老龐拜長
揖就末行尊稱加耄曠腹枵轉內愧覆發苦難蓋好友
昔見收來詩述與東江唱酬事殆同拾腐芥數篇唱和什豈敢追
彊對何當寔然音蓬藿假警效置之勿復道自嘆乃凡

介

大阮謂厚餘諧古歡宦遊阻魚素近傳得長告甘澤感汎
濩仕路退良難人情怯鈎注括機有巧發入穀多詭遇
本根街名實枝蔓托毗附豔奪眼界花幻晞草頭露子
方志進取勇要馬彊護珍重角弓詩毋忘譽嘉樹

敬業堂詩續集卷三終

姪男

開學校刊

敬業堂詩續集卷四

海寧 查慎行 悔餘

餘生集下

起乙巳六月終
丙午十月

德尹札來云嬾見一客嬾舉一步嬾動一念前
二語不過媮閒而已若云不動念似難以嬾字
並提此境非十年面壁未易到也作詩勗之

法門修心地攝念當用勤大施精進幢去妄還其真妙
湛歸總持是名不動尊嬾者勤之反積習奚足云雖然
不見客朋從交紛紜卽或不舉步靜坐愁緒煩念豈因
嬾息較難一例論我有秘密威力敵千魔軍衆賓禱還
來兩腳波濤奔能於起處滅旋於息後存舊緣以漸斷

除蔓次及根新緣免再結去火先抽薪此是止觀法勿
令緣有因老兄不忍私持以贈卯君

竊軒燕乳六雛中有一白翎者喜賦八韻

紫燕家家有雛生白者稀自巢居士室偷學野人衣玉
剪開時見銀鉤挂處飛入羣言語似獨立羽毛非高比
鶯翎潔輕嫌鶴骨肥華堂輸氣象蓬戶借光輝笑我偏
留賞憐渠肯見依秋期行漸近春社望重歸

半研歌爲長洲王繩其賦

帝鴻形製遠莫詳瓦則銅雀甄香姜彼皆陶甄出入手
詎若純璞不散之爲良爰從五代朔魏晉嗜古獨取唐
文皇惜哉墨妙就埋沒蘭亭繭紙翻入昭陵藏當時研

石落何許一千年後乃於牛女星野騰光芒王廷評家

流澤長故第奔葉傳金閭風流文采似續代不乏天錫

瓊寶近在靈芝坊

見范石湖
吳郡志

有同茂先識劍氣拾從礪

礪移置几案旁土花不蝕貞觀字節角廉殺隨員方直
將此研珍重比玉德分珪之半猶可名曰璋一日三摩
挲旣以自號復用顏其堂不知物情何以貴完璧秦城
十五其價未易相低昂適來徵我詩寄語善自將相廚
神物縱使不飛去亦須防有人間攫石米襄陽

寄題汪西京乘查圖小照

嘗笑蒙莊生好作自恣言一篇秋水喻特以大小論豈
知聖人門觀水必於瀾海爲河所輸去河乃海之源祭

海禮先河古訓垂簡編汪侯儒林彥學務探本根寓形
宇宙內肯受蔓蛇憐乘查繪作圖於義胡取焉人謂汗
湯遊庶幾遇神仙我云溯洄往直可窮崑崙命圖或以
此試問然不然

素村寫山林一幅見貽戲題一絕

墨含煙雨筆生風妙處居然奪化工如此溪山留不住
又看君入簿書叢

時將赴
銓選

鼠噬書舊作也偶於廢簾中得之字句多脫落
補綴成篇錄存十二韻

老去他靡蓄攜歸賸有書療飢同菽粟誇富勝菑畬獨
嗜宜遭妬羣邪那易除取憎無若鼠為蝨豈維魚巧伺

吹燈後機乘倦枕初抱頭疑竄矣銜尾突來如旁午紛
狼籍零丁費補苴無牙誰謂汝利口劇愁余曠廢狸奴
職潛逃酷吏屠飲河非乏水棄壤亦餘蔬倉裏寧驚犬
田間可化駕如何天地大苦苦攬蓬廬

責猫二首

魚殮飽後似逃逋長養成羣竊肉徒孰是漢廷刀筆吏
盍將鼠罪坐狸奴

老人長夜每醒然兀坐昏昏抵晝眠怪爾也來爭此席
公然睡暖舊青氊

讀易至蹇卦左足適病風作此自解

先聖設卦交蹇取往來義示人以知險兀者特異是我

今跛一足往則以偏廢山水處其窮吳草廬以蹇初文為東山下之窮處

上文為北水外之窮處四傍靡騁地西南與東北何有利不利嗒

焉斗室中坐臥兩皆寄時還用吾短緩步向簷際用北史李

諧四肢具體微萬象息踵跂不為平原客見史記不作衛

侯使見穀梁傳免被全人唾寧逢馬虻避用黃山谷詩中語行年七

十六委運隨時至但恐氣血衰旋墮讀易志胡敬齋云古人老而

學愈進是持守得定不與氣血俱衰也

庭前牽牛卯開辰萎真可謂之頃刻花今蚤偶

摘一朵平置盆池水面至日落鮮艷如初戲作

三絕

日出相看到日斜徑同日及槿花朝開夕墜草木狀名日及花鬥鮮華

老夫手握駐顏訣憐取道人七七花東坡詩安得道人

把花開周子充詩頃刻能開七七花

牆頭池面兩相猜變相翻從泡影來博得兒童傳好語

房房歛盡一房開

曾從天啓讀宮誦美酒澆來萎稍遲不獨內家堪插髻

而今纔信放翁詩天啓朝宮人喜插此花晨起用酒灌其根開時稍耐久陸劍南詩有插髻

媚媚牽牛花之句

中秋前擬招徐韓奔陳宋齋梅溪及德尹曾三

芝田諸弟合并為三日之遊先期相訂俱蒙見

允作詩志喜二首

東西相望總離居問訊頻傳得報書愛惜風光三日裏

感懷存歿十年餘

自甲午以後兩舉齒會揚晚研先下世聲延季方兩兄繼之座主許宗伯

公又繼之前年

前期直恐因跛廢

時余左足病風

末疾猶思借

酒祛賴是同心不遐棄肯隨佳月到吾廬

近借諸弟遠朋儔博取新歡續舊游齒長人皆開八秩

眼明天許作去中秋芙蓉菱角田家味紫蟹黃雞野客

羞伐木三章歌一闕清狂校勝竹林不平叶

客至解嘲

四體分勤惰左之非所宜上階先右足義取主人為

中秋夕客散偶成末句用劍南成語

龍鍾曳杖憶歸田癸巳中秋兩日前便有鄰人憐我老

不圖又過十三年

信庵四弟自開化為我購得江山老杉可製棺

具者七十六翁外是復何求耶

三年輸石槨三寸勝桐棺與馬衣薪異將蠶作繭看形

骸終是累冤魄但求安生死分勞息吾非慕達觀

徐觀卿屬題竹間小照四首

池上千竿渭濱千畝君子之居君子之有一

維其有之是以好之豈維好之亦克似之二

外則直兮中乃虛兮于焉況德淇澳之詩三

卷中之人含毫邈然我儀圖之代以言宣四

仙馭弟七十初度以繭紙來乞壽言戲作小仙

謠贈之二首

好片霞光軟玉箋笑將潤筆抵長錢一門兄弟皆丹籍

爾是茅家最小仙時以醪分見還故第二句云

莫問三千與大千五通亦是地行仙黃耆碧眼如相遇

七十嬰兒正少年

九日許鐵山楊泓崢連舫過草堂初擬載酒登

山晚為雨阻

畫船銜尾到柴桑一笑陶家徑就荒却喜陰編投好句

如開病眼領秋光二子以秋日咏物唱和詩見示杖扶野老蹣跚少酒

散騷人鬱結腸不料清遊天也妬滿村烟雨過重陽

題楊泓崢負米圖卷

是母靡不慈古今幾孝子愛此負米圖援經而證史解一

負米不為身反用少陵語仰事俯有育詎忍聽啼饑豐年一

雙玉解二孝子前致辭糠粃可瘡饑勿將反哺粒分減到

舍飴解三慈母亦有語天心視施報但願膝下孫他年如

爾孝解四

聞楊東產旅櫬到家未能往爰詩以送哀

旅櫬南歸日吾方伏枕辰為誰留望眼與世惜斯人未

作青雲士空悲白髮親一哀辭不盡餘泪溢衣巾

病中曾濟蒼過存匆匆即別次疊舊韻

別中有約泛雙橈重過南塘第五橋短札長箋期冉冉

荻花楓葉夢遙遙交能耐久常存舊病恐滋深不在標

忍作扶牀來便去未曾卜晝况連宵

枕上呻吟二首

受病知何日今為覺痛時不仁先手足餘毒遞肝脾連發醫家皆云肝脾溼熱之症自得安心藥難尋速效醫朽株空穴喻

三復樂天詩

細數平生友人間賸幾人枯松形伴影宿草鬼為鄰世轉頭乍連宵來夢頻遠慙兼近媿一歎一傷神連夕

與三祝彥方王子穎桐村兄弟

秋盡日力輩致菊花數本列於階前彊起排悶

重陽以後過旬灾好事童還致菊栽我自無心攜酒賞一年秋負此花開

後十日德尹攜酒共嘗疊前韻

勿藥豈非无妄疾有花莫問是誰栽能消二老一夕醉正爾不用爭先開

寄許純也徐階五兩編修時奉 旨估計畿輔

城工兼司賑濟

鴻飛方集澤賑郵荷 皇仁葦之循良吏猶煩侍從臣力難施版築才可試經綸損上斯為益端須惠及民

病起窳軒前秋花已萎課童除徑

入冬百卉荒蕪盡愛惜能無翦伐加留取陳根分種類掃開落葉待萌芽牆陰緩步蒼苔出屋角回頭白日斜七十六翁窮未死明年還擬看秋花

徐觀鄉年四十三方舉子書來索詩二首

已稱外祖方為父女婿來叅賀客筵余姪基為徐長

比堯夫差校蚤生兒還在兩年前却堯天舉子

掌上爭傳一顆珠他時摩頂記曼殊笑援杜老詩為讖

待看徐卿第二雛少陵有徐卿二子

偕德尹至梅里送竹垞表兄墓

平生載酒論文地今日偕為執紼行萬卷書留良史宅

百花莊近相公塋卜兆百花莊距文銘傳有道辭無媿

淚落天傭表未成今孫稼翁乞余撰十七年來餘痛在

待看宿草慰哀情

高聲伯詵仲兄弟年皆近八旬秋來先後除授

教職入冬相繼云亡良可憫也

高家老兄弟得秩不辭卑白首同歸日青檀未暖詩天

寧留碩果世漸少名師野外誰傳訃惟應哭所知用檀弓語

久旱乏煎茶水適得泉講師至口占四句

殘年最有相如渴茶竈經旬付冷灰正擬問龍還乞水

敲門一笑得泉來

歲去莫矣一室蕭然殘書十架外几案間惟小

物八種意有所觸隨筆賦之或莊或謔非贊非

銘自遣一時之興爾

厚能鎮薄尺寸青膚重山岳

右竹鎮紙

一拳石從研得名天與窵窵匪鑿成草堂之靈英山英

右英石研山

挹彼注茲以言乎入也前涓後滴以言乎出也如井收之勿幕庶取用而恒給也

右均窰硯滴

有生缺陷造化補天一凝冰相予瞽

右水精眼鏡

唾可加出可哇語其量有茹有吐耶充其義不屑不潔耶

右哥窰唾盂

孰使一餅之中而備四季之氣爾滋爾長兮于焉代匱吾閱吾衰兮以為臭味

右花餅

貪為墨近之者黑剝牀以辨毋緇我白

右白玉墨牀

鑑之昏矣塵則集矣心之蔽矣垢斯積矣惡乎除塵視拂拭惡乎去垢在洗滌

右古鏡

寒夜作

朔氣襲凝寒重衾一老單效收綿力薄量減酒升寬不寐夜偏永無端歲又殘奇方傳數上息餘暖在還丹

丙午立春前雪

立春在卯時五更猶是臘雪也

麥隴輕冰候茅檐薄雪辰五更初餞臘三日復迎春俗

儉希霑澤年衰敢怨貧或云天示兆活此一方民

陳宋齋有新年試筆見寄詩即次去年中秋齒

會二章韻再疊奉訓

已是田居又索居得君詩勝得君書揮毫力健增年後
嚼雪神清薄病餘轉眼又看梅萼破當頭猶記月魔祛

釋典以月
望為魔祛

草木年隨草木儔師門昨夢感同遊齒雖似馬徒加長

學不如農豈有秋自返田園甘養拙向來林澗恐貽羞

授經傳業輸君在鄰壁餘光肯借不

來詩有書種有朋
其室邇之句此章

專以
志愧

廣四雖吟 并敘

白香山四雖吟以年老命薄眼病家貧與同時四
人相校自謂已勝於彼余意不然命薄家貧夫何
足道眼病特年老之一端耳爰捨其三而廣其一
義取達生未免援儒入莊矣

眼雖病日出猶生明耳雖聾風來猶作聲手雖戰信筆
書猶成足雖廢倚杖跛猶行牙齒雖脫落猶能茹菜羹
鼻雖若鼻噓猶能遠穢瀾椒馨天既賦以形又復勞其
生行年七八尚欲逃天刑曾家貧與命薄足以擾吾
宇而櫻吾寧

題沈椒園南塔初丹圖

取休文八
咏詩中語

歲丙午元旦沈子造我廬殷勤索贈言袖出初丹圖我

咲問沈子繪圖者誰歟經營出意匠頗與俗手殊清池
十畝光蕩漾金碧居秀添竹萬个高蔭松一株襟花繞
城平點綴紛紫朱置子於其中圖書間琴壺神情旣閒
暇氣韻兼蕭疎顧茲初卉名於義奚取乎答云卉者草
爾雅曾分疏八咏自家傳寓形聊託諸我有迂闊語推
類請及餘大哉天地間物靡不有初日初視乎旭照耀
徧寰區月初視乎緼縱轡騁望舒驥驟千里足厥初乃
名駒鳳凰九苞羽厥初亦名雛人生曰初度未幾稱丈
夫初學泝本根六經實蓄畬初志勵晨夕百年積辛劬
開家交有功初筮後莫渝世途謹初涉當路無岐趨我
老事事乖失之在東隅今雖悔弗逮敢望收桑榆願子

禽言九章

春風吹春草發春雪浮浮泥滑滑一

羣趨羣出退飛有路不如歸去二

宅不毛田不苗家家土蛭無柴燒直待夏麥黃重看婆

餅焦三

前年海水鹹殺粟去年連騰旱種菽今年雨足盍來重

播穀四

鳩鳴堪熟扈將啄粟鵲鳩鵲催蓋屋五

同功偕作繭頭自薄胡取蠶絲一百箔六

野有慈姑其葉沃若孝婦之口忍云姑惡七

村南之酒村北醕不計面生熟但問錢有無女當鑪男

提壺八

天未明且偃卧炊未成且忍餓老而未死得過且過九

題友人評硯圖三首

天質花青葉白人工銅瓦陶泓能分上中下品勝看詩

書畫評

直可呼為軟玉磨而不磷匪堅純綿何妨裏鐵纖手搓

來欲圓

侍女淨揩棊几羣兒綵戲芝房勿嗔兩手三硯也似各

傳一經

二月二日晴效放翁體

一月陰寒慘不舒風光也解轉庭除門開霧野三竿日

冰躍盆池二寸魚傾倒空箱旋晒藥揩摩澁眼試看書

唵成聊用龜堂格猶記年當十七初放翁有常憶年初十七時之句乃其

七十七時所作

送馬素村赴選入都四首

君居距余居一塘三石橋如連六十井毛詩疏六十四井為甸甸方八

里吾兩家道里相去約如此數共聽蚤晚潮有書容借抄有酒肯見招

造門或卜晝下榻仍連宵言念平生歡能毋感寂寥明

知有岐路老境不自聊

自我反田里君旋客京華不見十餘年去夏暫到家今

又別我出行行向天涯黃昏叩門入驚起宿老鴉貧者
有贈言貨財蔑以加藹蕘倘可采跡遠心匪遐

舉場名久噪七上逢初元得第世所榮是科特名恩謂
當出頭地橐筆侍紫闈乃復儕其曹貫魚伺銓門平生
著作手詎耐簿領繁縣令古難為吾聞前輩言

聖主方右文泮宮芹藻美他塗不以襍間用名進士五
十曰艾年正當服官始儒師去俗吏奚啻相倍蓰試問
敷教寬何如猛政理宦成論巧拙斟酌當及此

驚蟄後二日雷雨大作

天地久閉蔽雲雷動盈滿豈其震羣蟄端用起我嬾晨
興拓窗望雨脚垂箭籥戶戶烟氣微村邨農事緩園中

菜罕茁野外麥猶短饑饉適存臻桑榆之餘暖婢依懸
釜立童負溼薪返一老方坐慙得餐寧論晚

花朝偕韓奕家德尹赴陳宋齋看梅之招二首

滿灘春漲拍溪沙萬里晴光照海涯近社人隨新到燕
勒寒梅是未開花攬須肯信風情減時宋齋病初起捨杖方看

足力加一笑前言猶在耳直饒君作少年誇余與宋齋同生順治

庚寅年十六出應童子試始相識余問君年君湯應曰甲午生追憶已六十年前事矣

交誼原從古處論家風可使薄夫敦蚤推友愛如弟弟

晚喜姻媿到子孫身健會尋他夕約酒香且泛上時尊

何妨小變從前例花信為期視此番向來此會以三日為率故云

春分前一日西園看梅四首

候到春分始見梅，人情大抵惜遲開。似留老子尋詩地，免使衝寒踏凍來。

日氣花光一片明，雨初晴似雪初晴。短筇落手不愁滑，路溼好尋乾處行。用放翁句

主人久病園頭懶，林下漸成榛棘叢。爾自不曾辜望眼，依然為我報東風。

雌蝶雄蜂知不知，歸來小折橫斜枝。膽併相對影亦好，坐到月上燈昏時。

憶庭前紅梅

前年海水淹吾庭，羣卉無恙此樹獨萎。

小樹難逃曠劫灰，花時兩度憶紅梅。白頭豈復賞顏色，未免有情因手栽。

題陳子晉孝廉把卷圖

鄴侯牙籤三萬軸，插架新如手未觸。退之此語微含譏，謂是書多難盡讀。陳家鴈行好弟兄，一門以內七業成。豈惟過庭學詩禮，已自拾芥聯科名。他年捉鼻知不免，歸侍晨昏猶把卷。會當讀盡乃翁書，為爾披圖留望眼。春分後十日偕德尹曾三芝田學庵諸弟西阡

看梅二首

西麓看花歲有期，今春陰雨故遲遲。遲來已近禁烟候，猶及緗梅爛熳時。緗梅開最晚

春酒還同社酒傾，不煩苦勸各飛觥。年年此會吾能預，只是慙稱白髮兄。明日是德尹誕辰，故借用東坡語。

僧哥殤 三月二日

夢中先得識 膝上果殤雞 桂附殊難療 參苓或可扶醫家
皆云宜服人葠力不能給也 家貧心負愧 泪落眼從枯 何取人間世
摧顏作老夫

清明日再同諸弟西軒看玉蘭戲作吳體

清明之候天氣回 林下水邊節物催 今日韶光異 昨日
半開花意勝 全開木蓮木筆取形似 玉蕊玉蘭從客猜
贏得村童齋拍手 白頭五老又重來

小飲曾三齋再疊前韻

此生此集凡幾回 春事向晚花信催 可無詩與蕭灑送
況有酒澆壘塊開 骰盤肯博破顏关 字謎或比藏闔猜

天於我輩分不薄 莫遣後期疎往來

翁蘿軒札來約為西湖之遊以詩作答

故人傳尺素 春事滿湖塘 柳外移歌席 花邊繫畫航 勝
遊憐我嬾 後會門誰彊 留待登高候 相尋醉鶴觴 重陽後二

日為蘿軒八秩大慶

蚤發嘉興

茫茫曉路出杉青 風色初回霧氣醒 夾岸黃雲三十里
片帆飛渡菜花溼

立夏日飲同年李若華無錫學署

劇縣疆初割 青檀座尚溫 絃歌二三子 時分置金匱縣弟子員去其大半
詩禮一孤孫 若華與令兄寅谷皆喪子兩家惟一孫 分託同年古情緣

舊雨敦恰逢櫻筍會款語到黃昏

過青山莊與張天門前輩話舊

一別京塵十五年歸休相對各華顛主猶愛客寧辭病
我得如君便是仙再世平泉深雨露千章喬木長風烟
卜鄰未果青山約回首令人意惘然

毘陵訪徐茶坪流連信宿快讀新詩兼晤兩郎

君喜而有贈

風雅今誰主言追正始還唱酬如不隔衰病最相關別
裏頻馳札重來各慰顏欲知傾倒意交在紀羣間

茶坪出新意製料絲燈四面不用山水花鳥畫
藁乃從拙集中采取七律一聯以真草隸篆四

體書剔墨而成郡中燈市為之一變今以兩挂

見貽小詩報謝兼邀莊蓀服湯述度諸君同賦

製出徐家意匠工黑間有白白間空游絲變體雙鈎外

漢師宜官有游絲書暖玉生烟四照中吾邑陳太常家有玉煙堂法帖翠墨鏤成

疑響榻碧紗題處愧新籠一燈從此傳千百紈扇渾如

畫放翁

春夏之交返往吳中十餘日歸舟連遇逆風口

占一首

經年心跡闕林邱偶作東吳十日遊春水迢迢紫浦澈
曉星落落數上朋儔黃魚好勸加餐住紅藥如邀買笑
留不管石尤風力橫一篙容易轉船頭

窳軒初夏觸景成吟八首

亞簷庭樹影初交坐閱紅芳換綠梢童穉不曾驚鳥雀
將雛時節復來巢

插竹纏枝引幾竿詩人遊戲出毫端屈將木本作芍藥

檯舉草花稱牡丹昌黎東坡詩皆以牡丹為木芍藥今稱纏枝草本為牡丹

茶蘼架與薔薇援比擬同時得兩家別向鄰園移月季

一般開作四時花

金魚苗貯瓦盆間世界江湖無此寬一关貧家供給薄

又因施去食減盤餐樂天詩我來施食爾垂釣少陵詩盤餐老夫食分減及溪魚

箬葉還同魚子看箇中臭味品題難閒來繙盡金漳譜

不愛珠蘭愛米蘭箬葉亦名米蘭魚子亦名珠蘭皆庭中所有金漳蘭譜一卷宋趙彥著

蜂尾穿花但釀甘人言甘苦兩難兼那知世有黃連蜜

可得中邊一味甜東坡詩蜂關黃連采蜜花本草宣州有黃連蜜釋典如人食蜜中邊皆甜

不待年時夏稅期家家續命望新絲天移四月為蠶月

卯風之蠶月三月也故遣繰盆浴繭遲連月春寒立夏後蚤蠶始出

夢回明月照梨花畫橐依稀句裏誇辜負主人留望眼

去年白燕傍誰家余去年白燕詩有秋期行漸近春社望重歸之句今竟不至故用章孝標

語以解嘲

題烏程令王懿誦牧牛圖小照

出門便是草已到使牛處却关臨濟師逢人猶問路

鼻孔何用牽放閒付阿對露地常在前人牛各自在

官今方牧民寓意在調伏可知毋憶子不異牛舐犢

我有十幅圖與牛作公案除却牧牛歌請君加判斷四解

偶繙乙酉隨 駕日記中有恭和 御製乏良

醫五律一章刻集時失載今錄存之

好生天地德舉念感 皇慈已致民多壽還憂國少醫

神農今再見岐伯更誰師无妄初无疾須將勿藥治

梅雨連旬村中無播穀者

昨夜雨連朝村邨路斷橋沉波多宿麥被壟少新苗塹

蟻緣堦上庭蛙闌戶跳眼前愁脉滿灾豈待風潮脉滿見國

語土人以七八月為風潮之候

曾三弟銓授寧波郡學官引年辭職詩以美之

行藏能自斷物望遂相懸清濁泉因地卷舒雲在天閒

搔雙雪髻笑擲片寒瓊寄語蘇司業毋煩乞酒錢少陵寄鄭

廣文詩賴有蘇司業時乞酒錢

春杪過曾濟蒼一夕而別入夏蒙兩寄書先後

以疊韻詩索和次韻奉訓兼柬高大立二首

風光暗閱人頭白喜如新小別俄經夏前遊尚及春沉

吟懷剌曲寂寞慰漳濱勿怪書遲答詩癡易彙頻用宋岳

句成

相望兩故人物候又驚新屢送山中臘猶儲若下春烹

鮮餘鱸縷連舫待溪濱地主清狂在行呼老阿頻來詩評及

舍弟近况故及之阿頻弟小名也

題徐韓奕小照二首

有手不放閒提攜到筭筭笑問八十翁疇爲擷芳侶
牡丹花中王蘭亦稱國香不逢采芝叟其肯襍衆芳

苦熱

六月廿九晨起作

天之告灾古所聞早既太甚今復云氣將歎海變塵霧
力欲拔山成火雲鱗介難從釜偷活羽毛兼恐林遭焚
人於其間何處避蠅蚋蜩蟾非爾羣

兩窗得宋齋見寄詩期於中秋踐廷益湖莊之

約次韻奉答

七月十九夜

兩榻勾勾鼻息勻忽傳剝啄寄書人過頭久結西湖夏
屈指爲期八月春邵堯夫以八夢去多番懷好友老來
幾箇得閒身輸他龍馬賢昆季相距跼躑隔兩塵

窠軒秋花今年特盛

高沿籬作障低覆地成茵草本無非藥秋花不讓春早
乾時適至澆灌澤惟均不負栽培意終歸造物仁

題沈房仲竹林小照二首

龍蛇蛻骨能活虎豹看皮自文筆底唵風嘯兩眼前障
日攬雲

白鶴蹤留不于青鸞尾散毳毼七賢六逸何處讓爾獨
往獨來

戲畚周柯雲即以來詩中勤羸窮高四字爲韻

毫矣無新得終焉失舊聞業荒慚窠情時過悔翹勤自
署知非子人嗟折角君時纂輯易注初成桑榆收太晚

餘照幸翁分

去日多于髮消閒事事宜花寧煩助長杖或借扶羸興

到三杯酒嗟成五字詩偶然來熟客亦復著饒碁

黔婁為妹婿山用香晚境略相同海角支離叟人間潦倒

翁鼠饑辭米盍蝨飽戀書叢頗笑韓夫子為文欲送窮

似譽亦如嘲多承一字褒稍知辭世易敢作閉門高廓

落容吾輩夸毗聽汝曹枯松元早偃不是傲蓬蒿

驚聞紹姪天津之訃四首八月十四日

急足三千里俄來告汝終適當風雨後驚起夢蒐中掩

面泪交迸附書哀莫窮西郵兼北訃何以慰而翁時潤木差

江西典試雲姪將渡江省觀

弱冠充鄉貢今經十四年得名時最蚤不壽世爭憐京

雒交游重家門友愛傳細思無死理我慘但呼天

新婦為嫠婦猶遲廟見辰粧奩資藥物衰經換綦巾割

股初拚命迴腸為奉親古來稱節孝嗟爾未亾人姪贊于金

甫兩月病中新婦割股和藥殺後屢欲自經皆來僕口述事

二月占初吉依依話北征仲春朔姪將北上半年疎問

訊一別判幽明家已丁衰運天胡厄後生眼枯垂白叟

未死得無情自乙未至甲辰十年中連喪連承兩兒今又哭姪

重九日德尹邀同沈楚望房仲椒園及家尊聞

東木於小尖山潮神廟作登高之會基姪治具

座間得詩三首屬諸子共和

海闊天低處登臨不在高一年秋向晚二老興仍豪練沙紋細層層石脚牢西風吹帽落絕勝上金鰲

明張東海

詩落帽風高客袂寒金鰲閣上倚闌干

積雨當新霽亭空望不迷雲烟無朕跡天地露端倪水勢方趨下潮頭忽轉西近帆看漸遠一點鳧鷖

沙彌殊解事指點語衰翁春夏初暄候東南積水中樓

臺入圖畫人馬走虛空海市依稀見吾詩與識同

是日居僧

述三四月間所見如此余前題神廟詩曾有雲散蜃樓呈象出之句

牆角牽牛秋杪尚吐花

餐風吸露吐晨光續續花隨引蔓長賺我秋來頻早起直先七夕後重陽

答錢塘周少穆次來韻

種稻恒苦遲藝稷恒望早芝蘭失所植孰辨二芳草

後見

漢書酈炎傳

毛羽性或殊鷓飛讓鴻矯浮沉視水族蹟也要

非藻眼前具物理豈必事遐討彼昏有不知醉夢墮茫茫

渺周生湖山彥譽擅東南寶猥蒙謙謙懷枉訐及羸老

我初壯失學餘媿時滿抱響應失宮商鼓鐘虛擊考竊

聞立言義作者務根道與子古為期摩蒼還汎浩

沈房仲匏研銘

其追其琢寓匏於石笙磬同音吾以觀端瓊之德

寄祝老友翁蘿軒八秩壽

杖朝一老重鄉評耳尚含聰目竟明獨樂湖山歸地主

同時卿相是門生

桐城相國靜海司寇皆先生庚辰分校禮闈所得士

煙霞愛赴

神仙畫絲竹閒陶觴咏情我欲壽翁何以祝祝翁還請

借翁名

翁名嵩年

偕德尹曾三芝田赴學菴之招

浹日招尋又一回樂羣鷗鷺共沿洄

十日前曾似聯等三作主人

輩成陰社可有門生致酒材新種青蔬供小摘就荒黃

菊喜重開依然三徑桑柴宅不信曾官主客來

題許鐵山楊泓淨秋日咏物唱和詩後二首

才人洵有不平鳴老耳空堂蟋蟀驚曾酌社翁春杜酒

鼓商商應識秋聲

蛺蝶新時樣總非爭誇好手繡羅衣報章不乞天孫巧

屈宋原來是錦機

敬業堂詩續集卷四終

姪男

開學校刊

敬業堂詩續集卷五

海寧 查慎行 悔餘

詣獄集

起丙午十一月
盡丁未四月

十一月十九日雪後舟發北關

冒寒連夜赴嚴程行過塘西天始明多事兒童推蚤起
數峰晴雪指臨平時率子姓輩少長
九人同赴詔獄

泊虎邱

壯欲辭家老未能得歸擬作此山僧預愁脚軟腰無力
難躡浮圖最上層

過常州不及入城留東錢亮功徐學人

同年同學餘幾箇出處難教一例同錢不如徐猶勝我

爾方室處我衝風

大霧渡江追憶丁亥春 先帝南巡迎 駕時

過此

憶昨迎 鑾旭日紅今朝雲霧隔重重天留未死孤臣

耳又聽金山寺裏鐘

過寶應示章綺堂同年 章亦同 赴詔獄

射陽湖畔偶停船却望前遊意惘然 憶王樓 同年如此冰霜

如此路七旬以外兩同年

連日東風黃河冰合而復釋清可鑿鬚眉亦一

異也

地降天升水氣澄人間何處辨休徵全虧三日東風力

融盡黃河萬里冰

是夕雨幸已渡河

馬為薄蹄愁雨雪狐防濡尾怯風波二途處一知神呪

用昌黎語竊幸朝來已渡河

沂水縣南二十里道旁榜曰二疏故里感而賦

此

西京盛事傳稀有解組歸休我亦曾今日經過疏傅里

檻車誰料有重徵 檻車上施欄檻囚禁 罪人見劉熙釋名

霧松花古人罕咏者惟曾南豐有七律一首拈

筆示綺堂

迷濛夜路轉平沙開徧千林霧松花中有數株高出屋

蒙陰城北野人家

與丁惟短驢

隨車逐馬走踈踈此路由來富役貧看取探囊租小蹇
執鞭還有執鞭人

題鰲陽旅壁

高從泰岱躡天門鳧繹龜蒙一氣吞好笑鰲山拳石耳
欲於此處獨稱尊

阜城除夕邑令送南酒一尊

邑宰非交舊何來此一壺投醪今夕意明日抵屠蘇

趙北口坐冰牀

老涉驚波足可憐平生履薄怕臨淵阿誰與唱公無渡

三尺冰牀穩勝船

旅店具魚羹有感而作

解凍風來二月初水圍例賜擊鮮餘釜鷺已漑餐何

忍謂是先皇縱壑魚

丁未立春正月十日

曆頭七十八回新檢點猶餘現在身氣自東來瞻淑氣
臣今老去作纍臣平生內省能無疚此禍相連亦有因
聊借樂天詩自慰八寒陰獄夔陽春香山成句前一
日大雪故用之

去冬臘月朔渡江連遇風雪舟行至邵伯埭阻

冰復回揚州起早及十四日渡河則冰復開灑
凌之後波平如鏡可鑒人影顧語同舟曰此非

荷葉堂言集卷五
河清之瑞乎因口占絕句云云近抵京師入刑
部獄十餘日聞各省奏報河清與余所見輒合

再作七言長律紀之

喧傳喜氣動春城河瑞曾於臘月呈九曲竟成千里潤
萬年重為一人清風雲得路均沾澤草木何心亦向
榮多少詞臣應獻頌蟄蟲慚愧發先聲

二月朔聞

皇上親祭社稷壇遇雪恭紀

重展堯奠又匝旬每聞祀事必躬親時逢豫大豐亨
會德感壇壇社稷神三日致齋心皎潔五花應候雪紛
續麥秋好卜邦畿瑞預慰皇情及早春

和胡元方中丞次東坡入獄詩第一章韻

兩月冰霜忽入春余自去年十一月初八日離家今年正月初八日入獄全家赴
獄豈惟身僮奴漸狎鈴榔卒子姪初充灑掃人窮可抑
揄宜有鬼交雖故舊亦如神古以不識面者為神交與君只隔重
圍住得讀新詩是夙因

謝元方送莞香

同氣類相求蕙嘆因芝焚豈若孰噫者薰蕕兩無分故
人起我頑碎穢揚其芬依然方丈室四壁生烟雲

元方以三絕句見投追憶武英書局舊事次韻
以答

乞歸分作老農師遙望觚稜記往時同調祗今零落盡
忽從臺獄和蘇詩

偕隱相期出帝都白頭豈料復長途鴿原急難由兄弟

不敢重誇四杖圖

康熙壬辰與仲弟德尹有歸休之約曾屬同年蔣甫君寫二隱圖以寓意

書局諸君皆有詩見贈雖正甲辰三弟潤木省墓假歸四弟信庵南宮下第白頭兄弟同聚一堂沈子松年為

繪四杖圖因來詩有好在壺中二隱圖之句故併及之

詞賦何當羨長卿悔從俗學博浮名此中舊是傳經地

幸檢巾箱借老生

時從元方借讀周易

元方又用東坡入獄第二首韻余亦次和

風人自古感淒淒到此誰能氣不低隙影一塵容野馬

窺天三尺覆醯雞和詩賸有斜川子問疾兼無法喜妻

花落鶯啼頻入夢幾時歸路下塘西

余家去塘西僅百里故用東坡樂府

語中

元方以上已夢中作屬和兼以慰之

閨歲纔過一半春

前四日春分

風光旋報采蘭辰招尋每歎

虛高會唱和差忻得近鄰終望主恩全晚節由來天

意憫文人有生所歷誰非夢莫把須臾夢當真

東坡有咏御史臺榆槐竹柏詩元方獄庭無竹

柏以菊梅易之余幽囚之所并無榆槐止有老

柳二樹其一已枯萎方供獄卒爨薪仍用來詩

次韻之例賦孤柳四章

雙柳誰所栽年年換新綠想當綢繆時寧料芻楚求北

株乃先萎竟被金尅木其一似含悽欲唱渭城曲我笑

戲相語保已良已足幸敷尋丈陰庇及瞻烏屋

右欠榆韻

春來影旋動，夏至涼可歇。垂垂弄風條，點點溜雨葉。云何讓榆槐，秋實獨少蒺。入冬雖凋落，飛絮猶比雪。隨時閱寒暄，荏苒送日月。華堂或盈萬，嘆爾太孤絕。

右次槐韻

青草一寸無，何況柏與竹。爾以少見留，免教斤斧觸。閱人諒已多，大抵榮勝辱。榮者為瓦全，辱莫如碎玉。豈無君復梅，亦有淵明菊。且留青眼看，毋使眩紅綠。

右次竹韻

向使生道秀，視之等一葦。柔條被攀折，秋後猶未已。何如在犴狴，作配癡老子。南枝復生華，惜已迫暮齒。縱逃

入爨厄，行就凋槁矣。誰復見當年，風流張長史。

右次柏韻

元方以爨僮潘姓畫松詩索和戲次原韻

鵲依庭柳，雞羣棲飽食。餘粒饑啄泥，晨來東嚮傳好語。片紙飛墮茨牆西，展開乃是畫松什。金篦刮去兩目重，重翳恍如窵兀見。此樹蒼髯翠鬣，可望不可梯雲煙。浮空遞出沒，蘿蔦著壁相纏繫。頓疑園土變山谷，秀有白石鑿鑿清澗流。漸漸玉川長鬚那得此，好手想與執爨老婢顏面同。其鬻主人文雅僕不俗，行廚行笥隨提攜。老夫耄矣，頗好事欲乞尺幅笑比鄰。家醢倘能放筆為我作，直幹識畫之眼畧似分別青黃驪。惜無傑句追步

浣花叟使汝流傳名與畢宏韋偃齊

固始令汪牧庭故人棣園學使賢嗣也亦以事
在獄從元方中丞索余贈言偶憶閩中舊事以

二絕句柬之

莫逆初從七字詩楓亭荔子憶分貽到今餘味津津在
三十年前贈答時

再世論交復有詩新篇如荷故人貽時牧庭以和元方諸什見示只
愁咫尺成千里三見東方月滿時

哭三弟潤木二首

三月二十二日

罪大誠當殺全歸有數存生難寬吏議瞑亦沐君恩
鬼守辭鄉魄棺封詔獄竟幾時容反葬薄殮勝王孫

家難同時聚多來送汝終吞聲自兄弟泣血到孩童地
出陰寒洞天號慘澹風莫嗟泉路遠父子獲相逢上姪先

卒日

閏三月朔作二首

已過八十又三日昨日纔逢穀兩辰自是黃楊宜有厄
清和半月閏殘春

年光何與衰翁事也復時時喚奈何為百草憂春雨少
替千花惜曉風多

春已盡矣孤柳尚未舒條閒步其下偶成

圍外新葉樹出牆高亭亭畫地乃為牢獨來伴拘囚我
衰何足道日夜望汝榮已經三月餘衆眼終未青將母

學病叟亦作支離形並生天地間草木非無情寄語後
栽者勿依問囚聽

敗羣鵲

朝查查暮嘒嘒鵲聲喜烏聲惡兒童打鳥不打鵲道是
紇干生處樂維南兩鵲驚不仁占巢高樹旁無鄰有如
鷹化爲鳩眼未化以猛濟貪四顧圖并吞每當下食羣
退避六國何敢爭疆秦我欲驅使去舉火兼巢焚一回
一嘆還逡巡天生萬物何物無敗羣吁嗟乎天生萬物
何物無敗羣

余續賦孤柳一章謂其生意盡矣立夏後試以
井泉澆之旬日而芽蘖稍萌再作一首索元方

及德尹信庵兩弟和

徘徊古井澹枯者長已矣弔影憐其孤梢頭尚含蕾沙
春旋入夏謂汝亦隨萎天旱雨不膏地窪坎有水轆轤
轉百尺灌溉自根始近本稊忽生漸看葉蕤蕤敢誇人
力勝實荷栽培理初如脫網魚半生猶半死終媿上林
枝三眠復三起

涼棚陰

置身坎上交叢棘周圍樂幽囚擬編戶聊受屋一屢舉
家十數口老者居三焉正愁五六月赤日流炎躔胡以
使病軀免迫湯火煎眷眷梁主事情同地主賢時於縲
綆中委婉相周旋謂當設涼棚僱值約五千展開積穢

土料節日用錢列木十數株交加竹作椽蘆簾與草蔭
補綴繩寸聯轉盼結構成軒豁開蟲天凌晨常早起當
午續夜眠清風有時來好鳥鳴林端繫惟三老喜羣兒
亦欣然語罷笑啞啞餐餘腹便便或如蟻旋磨或如魚
躍淵或持書一卷或錄詩數篇襟坐肯齒序徐行忽斲
先並荷清涼陰渾忘在憂患平叶窮為天所隲厄乃世所
憐餘生知幾何造次求自安人笑比茶蓬似可結善緣
何如杜陵叟廣夏千萬間我方計逃暑彼乃思庇寒

病起吟

鬱火不上炎下注成癰疽彼蒼肯垂憫負痛不敢呼諒
無性命憂聊復忍斯須沉綿五晝夜寢廢食與俱今晨

忽潰決僅免髻无膚起來就涼棚曳杖行徐徐初日照
我影依然一老夫老夫不自知人謂形太癯神清夢醒
後悟徹痛定餘邗將煩惱藤縛此露電軀從茲維摩室
四百四病無

又五言絕句四十首

一裘四十年韞在毛全秃狐貉不我溫隨身作囚服
噬嗑利用獄家人閑有道滅耳悔已遲其能免何校潤
坐訕謗九卿會訊以
家長失教為余罪名

弟兄隔別居各以一牆限向來對林者咫尺不相見潤
在內監我輩來
彼初不知也

土舍比巢居嗷嗷引十雛喙長毛羽短愁殺白頭烏念
兒

歲前到京首先
投獄故云十繼

奇書堂詩集卷五

亦復有何喜朝朝雙鵲鳴畏寒思曝背為報雪初晴

投足全無地多眠少起時偶然扶杖立形定影潛移

漏點晨初絕鈴聲晝不休似聞驅疫鬼賴有鎮監猴獄卒

循牆提鏡鈴以巡邏日夜聲不絕號鎮監猴云以辟疫癘

日分一升米夜與飢鼠共驅之善緣壁聲觸銀鐺動

南所對北監傳是錦衣獄騰有圍外人追思瑞禍酷

流惡就卑溼滇淤日幾回一方無垢地三寸不燃灰

畫猫非真猫虎斑而虎視雖無食牛量肯作啣蟬戲壁題

上畫猫

飄瓦簷前地覆盆頭上天孽非由已作何用祀庭堅

樹根一口井味苦臭不腥差堪濯我足幸勿羸其餅

折枯為柴柵插地畫兩界吾餐乏腥羶螻蟻穴其外

煙煤昏四壁黑業被埋藏一面窗糊紙連朝佛放光

何處無芳草陳根此獨稀入春頻望雨倘有發生機

蘭以當門鋤竹緣開徑洗誰將移草心徧告園扉裏牆根

見青草數叢移種新闢之地

八十日離家三千里路賒恠來南信斷昨夜卜燈花正月

廿七夜燈花梳大明日信菴至

門房十五人兩世半析筭皇天遣悔禍少長斯復聚

不夢羊踏蔬長叨官送菜黃蘗三百鑿於此了殘債送菜

謂梁主事

樂府題曾記今方識本收凡人入獄者例有禁卒一人看守名曰本收相看無

好語是曰畔牢愁按畔牢愁楊雄所作

馬糞兼牛矢麻蕪及豆其最憐羊豕骨亦可當薪炊

牢戶如蟲戶餘寒減復增雪花時點地二月未開冰

西北圍牆古無端半夜頽耳聾驚坐起謂是發春雷余

管處在外圍西北角牆傾幾被壓時過驚蟄二十餘日尚未聞雷聲

官醫多試方庸者司性命衰病不自憂惟憂後生病念

學姪俱患瘡上姪帶危病自南所移來

經月不櫛沐盈頭髮半腫云何蝨其間彼乃能變黑得

蝨其間出昌黎詩蝨處頭而黑出嵇叔夜養生論

夜到曝書亭夢尋種蓮主似與告歸期花時天小暑春

夜夢與朱竹陀池上種蓮

同為卵生類天性人莫回林雅駢復集巢燕招不來

春服宜修禊今朝四事違東坡詩古來四事巧相違故人誰憶我猶

著禦冬衣上巳日有懷武原去年花朝之會兼寄主人陳宋齋

蟲以臭得名橫行罪難掩均為血肉害蟣蝨當未減

百二春逢閏春風日夜饜忽驚春過半已閱四提牢提牢

主事一月例更替三月初來者以分校禮闈去更易一人

不道流光迅翻傷見面遲却將三月半認作授衣時三月

十二日德尹攜家中所寄春服至

人間有桃杏悵望春維暮風捲飛花來誰家庭下樹清

前一日大風杏花數片吹入牆內

遇物到忘機攝心入無想鳥可巢吾肩鵲可食吾掌

姪抱危疾來沉綿知不起弟病初未聞胡為遽至此姪上

歿於三月二十日後一日得三弟凶問

死伏冥誅矣株連罪已微慰懷傳一語後至或先歸潤木

歿後聞家西仲錢我持沈麟洲相繼至

向晚輕雷發人情望雨齊曉看簷瓦上點點是沙泥穀雨

前一日天雨土

章子今云公孤此一條竹上有斑斑痕湘纍如代哭去冬

借章綺堂北來以斑竹杖見贈今章已物故睹物為之心傷

蘿軒八十叟遠寄相思字讀罷紙滴穿報之數行泪立夏

接翁康貽手札


數行寬大 詔遞減到盡室家長尤欣然生機在生日

五月初七早聞此案概從寬典是日為余誕辰

敬業堂詩續集卷五終

姪男

開學校刊



敬業堂詩續集卷六

海寧 查慎行 悔餘

生還集

起丁未五月盡六月

五月初十日出獄後感

恩恭紀

來著寒衣去暑衣半年囚服在園扉毀巢完卵初非望
漑釜烹魚敢憶歸波累門房從古有矜全父子似今稀
雷霆雨露皆天澤感到難言淚暗揮此案罪名半年
此案生者俱邀

德尹將赴謫籍留別二章

獄具閻難叫

恩深海莫量尚憐遷謫地難定是何鄉

或山東或陝西
部議尚未定

席帽炎風熾蕉衫暑雨涼六雛隨一叟

差勝向窮荒

全家同詔獄何事不相關
目盡存心際竟驚聚散間
吾衰虞死別汝健必生還
或者詩成識他時一破顏

信庵先出都余行期未定

出獄我最先去住稍自由
汝從官發遣刻限隨符郵
後出竟先歸翻添小別愁
蹇驢汗其背壓馱衝蘆溝
蘆溝新雨餘巨石滑如油
念汝乏下走跬步防須周
幸賴兩兒賢謂克新克寬兩姪習勤子職修扶爺上土炕
勸爺進晨羞

行李倘缺乏世塗向誰謀
同在艱難中愧無能分憂
節勞兼省費川程或乘舟
僕指到家時恰當逢立秋
我歸諒匪遠無過半月留
暑退風漸涼天高火已流
壞籬摘

瓜豆破屋看斗牛濁醪賒南鄰
麤糲春西疇萬事姑撥置傷哉忍回頭

留別許立巖館鄉

破涕忽成笑餘生是再生
艱虞當末路窮老見真情
行色風加烈歸囊葉校輕
叩門知緩急誰似許清卿

畱別薄聿脩柯樞齡唐益功賡虞箴四同年

師門轉盼廿五年同朝同榜唯四賢
再閱世途吾老矣欲談舊事心茫然
名雖放歸歸豈易官免限期期頻遷
稍欣不狗祖餞例醉飽一路蒙哀憐

物捆載滿車

送沈麟洲重赴粵東

豈謂家門禍餘波及海南往還程計萬會合日纔三閱

世誰貞友隨翁有好男時長君孟公仍隨侍南桑榆留

晚景竚立待歸驂

次訓高薑田贈別第一章韻

一生失學老無傳業富輸君經笥便詩得派來流法乳
書成家後笈羊肩交新高李游梁日名噪機雲入雒年
何計商量延暮齒相於暫別久周旋

留別家爾周友龍兩弟及沈子椒園時三人同
館高少司寇宅

鄉曲少嗟伴得歸翻自憐南風吹五兩長路又三千春
草池塘夢秋燈邸舍緣別中如見憶頻望慰新篇

為紫幢主人留半日一晤即別後以詩寄之

宗室名文
昭字子晉

為君留半日執手倍依依可惜論交晚重嗟省見稀調
同忘分誼語重借光輝十五年前路仍如免病歸

五月廿二日出都仍宿長新來時旅店

蘆溝向南去沙石轉蒼灣大道半淹水初程重見山已
無三宿戀祇有兩人還逆旅曾吾識垂頭亦慘顏

大雨

雲勢隨風轉雷聲掣電過頓消炎酷烈轉愛雨滂沱步
步牛迷轍羣豕涉波油衣卸免漏好去換漁蓑

雨後新城道中

城南城北柳交加
雨潤泥新未起沙
嘉果烏偷鑽核李
翠皮冰沁剖瓢瓜
獨嗔自嘆成歸客
一飯何須問酒家
猶有皇恩忘不得
每回白首望京華

即事二首

畿南處處好村莊
水利初興歲未穰
見說一春長渴雨
麥秋時節始犁荒

白溝一線是通川
遙指帆檣古渡邊
預卜晝眠應有夢
夢歸先上阿孃船

重過趙北口

記得冰牀冰面行
一堤兩淀喜重經
濃陰得氣涵晴露
殘月收光避曉星
橋俯碧流知馬渴
人歸近市覺魚腥

今來古往成何事
輸與眠鷗占此汀

晨發任邱喜晴

未到先愁我自此至河間南北數十里地勢窪下遇茲三日雨輒成巨浸舊稱滹海行者苦之
來頗快人夜涼貪得雨
曉霽幸無塵農戶耰耩出原田

黍稷新脫離泥淖
苦馬意亦跋跋

自獻縣至景德二州久旱無雨
官司方事祈禱
流民載路率成二首

燕齊封壤接極目
際平蕪舊井泥猶汲
新楊秭并枯吁
嗟勤致禱潤澤冀均濡
為問西京吏隨軒
雨有無

去京六百里依舊有流移曩在都時聞五坊驅逐流民出境
忍作逐貧賦
曾傳乞食詩
一錢施豈靳百族
計誰私自揣還相謂

吾非拯爾時

新蟬

何校誰憐聰不明
背春涉夏未聞鶯
道旁拾得醫聾法
高柳鳴蜩第一聲

過德州城外不及訪前輩
田綸霞及同年李文
衆後人

此邦耆舊幾人存
田李風流在子孫
雙袖龍鍾數行泪
忍過西路灑州門

午飯苦水舖

醬蒜羹葱薤羣蠅遽集
斯忍饑爲廢箸
旁有勸餐兒

自恩縣南至津期店萬柳夾道成陰
過此即高

唐州界故末句戲云

晨遮初旭暮斜陽
萬樹交陰午亦涼
過此令人忘六月
小車欵枕夢高唐

煙墩行

高唐以南
營房一新

舊墩久廢土裂岡
新墩改築高環牆
十里五里遙相望
戎旗標識從高唐
兵居輝煌盡丹雘
民舍苦茅半頽落
時清且喜罷傳烽
夜靜寧煩勤擊櫓

行經荏平有感於前令吳寶產去官之故并紀
所聞於旅主人

吳生曾出宰名被上官嗤下考催科拙中才橐筆宜俗
貧非一邑民望失三時旱潦憑誰訴能無怨有司

東阿縣北新開河一道問之土人初無名也

朝廷興永利州縣博虛名畚鍤紛紜集河渠指顧成久
晴無水蓄一雨便泥行即目扞懷句依稀太息聲

穀城山下

十日星埃苦晝炎晚來洗眼穀城南雲頭雲起晴飛雨
山外山高青出藍

聞濟寧以南各舖已通朝來從汶上改路東行

小憩康莊驛

汶濟支流滙漕渠一道通買颿知校便改轍遂從東麥
壠秋初刈瓜田歲屢豐槐陰茆店底小住為清風

濟寧旅館夜聞雨聲

新夢續殘夢重為一宿留癸巳秋南歸亦從此地上船載濡行可免
將伯助何求前夜猶防雨明朝好放舟多情天井派只
管向南流

雨泊天井聞書所見

河魚逆上多衆網布舖口誰知得魚者戴笠垂綸叟

下舖歌

上舖難下舖易尋丈中間千里勢上舖安下舖危羣呼
邪許無所施雷聲奮地光飛雷浪挽彊弓船釋箭人情
冒險昧吉凶取快抵爭呼吸中勸君姑緩勿用亟需在
泥沙方利涉

雨後曉發

曙色晴如霧舟行圖畫中三竿初上日一榻自來風碧
野寬河北青山盡充東旅愁隨境豁休道莫途窮

南陽舟中食新蓮子

晨過南陽鎮居民擾魚鮭湖光蕩漾開香溢岸兩涯亭
亭翠雲蓋擎出扶桑霞就船買蓮蓬賤比菽與麻擘之
復剝之愛此玉粒芽中含涓滴味甘露同清嘉雪乳蘊
其漿細泉流齒牙至味少為貴充腸奚取耶淳于一石
酒盧氏七椀茶未免放厥辭徒為後世誇我本愛蓮人
無端落泥沙園荒沼亦廢叫跳私蝦蟇誓從今以往移
藕向鄰家安得百頃池別栽十丈花

用昌黎玉井蓮事

連遇逆風舟行遲滯戲作吳體遣懷

雲峰突兀天溟濛打窗猛雨三日同滿槽渾渾西北水
劈岸浩浩東南風得句偶然從意外轉頭宛爾墮夢中
長年年長健可羨弟作篙師兄舵工

船戶張姓二人兄長余一歲弟小余

二歲

又絕句一首

淮南米價聞騰涌每遇商船問若何爭及此間魚最賤
食魚人少捕魚多

再疊前韻

連朝不飯空捫腹奈此河魚腹疾何笑擲何郎供一飽
看囊直覺萬錢多

東坡詩云去得順風來者怨輒以所見廣之

得上仙舟總不凡余所乘舟名飛仙巧從名句破機緘南來北
去兩無礙去得順流來挂帆

野泊

濁浪三百里黃河疑倒流歸心雖汲汲行役且悠悠新
月生漁浦殘陽下柁樓人家當不遠鷺鴨滿灘頭

脾疾戲拈三絕句

思慮出苦吟傷脾或有之我作多游戲脾神應得知
桃實大于拳蓮實細于乳吾寧舍其大則以養脾故
血枯六脈微豈止脾脉弱世罕老人醫吾其肯試藥

六月十一日過臺兒莊

南池距臺莊三百六十里七日行始達水順風逆耳厄

運老未終扁舟復落此櫓聲晨到枕舟子報風止小兒
前致問厄非自今始古人處逆中必有安常理教之識
忍字忍過事堪喜

宿遷關吳體

舊輸兩石今不然舊例民船自山東來者止令載巨石二至此交納以備河上工料鱗

跳羽萃愁滿川重船納貨輕納料醉客禁酒醒禁烟嚴
關正爾指淮岸密網行且張河壩空囊傾倒能幾許大
笑不容留一錢

桃源舟中

路比仙源迥不同恍於此地作漁翁帆移柳岸雲浮白
日射蘆村霧吐紅直與迴腸紆鬱結放教雙眼破鴻濛

人間好境難多得生怕明朝又逆風

渡河口號八首

川后波臣兩效靈居民指點翠華停清河口對清江

浦黃瓦猶高

萬壽亭

先帝自丁亥年閱視河工後不復南巡矣

蘆茭作棹夾河橫採買從來不累貧知是何年歸正帑更無閒地養官薪

六月河防未輟工清流長被濁泥衝縷隄土是遙隄土

蟻穴移來築蟻封

船頭暗伏陷人灘枕底旋成閣淺灣平莫平於三草壩

險應險過百牢關

海近天空地勢低水分南北岸東西板沙縫拆如刀截

嫩草頭平似剪齊

長女占和少女同無朝無暮往來通舟人屈指六十日

只有東南一色風

自四月望至今兩月無日非東南風亦一異也

小炷香分兩處焚河神別過別淮神不教名姓污祠壁

誰識風波有幸民

老去艱辛閱歷多眼前何處沒風波怕將口號傳人口

留與漁天作權歌

淮口增築蓄清敵黃二壩上水甚難插河無此

險也

古來傳禹績平土奏安瀾自設東西堰如分上下灘遏防令高易扼吭欲歎難寄語河隄使神功勿妄干

淮岸夜泊紀所見三首

民將蘆編屋官取蘆爲掃蘆兮識可憐生死遞相弔
日沒月未上黑雲騰四面葦岸吐孤燈激波千尺練
大星三五點小星明復滅俯仰一青天玻璃渾不隔

曉過清江浦二首

清濁判淮黃有若渭與涇近來淮稍濁猶以清爲名賴
此綠陂草映波如染成

急流導鷁首微風馳旗尾船上白面郎樓中紅袖女盈
盈隔河漢相望正如許

晚泊淮陽城西知半月前淮水暴漲丈餘今勢
雖漸減而隄外田禾低者猶成巨浸感賦一律

總督漕使張慕莘舊好也余爲放歸田里之人
不欲以姓名投謁竊取少陵春陵行之例詩成
亦不寄張

桐柏山南水橫流一丈高孤城堅保障十日減波濤飢
溺宜兼拯經營念獨勞久膺艱鉅任何以沛陰膏

入寶應高郵界幸水不爲災河工方修築隄岸
昨詩誠過慮也再作一首以解嘲

高寶陂湖接雙隄瀉衆流天光白淼淼野氣綠油油坐
閱新苗長行看晚穗抽腐儒不曉事徒作杞人憂

轉應曲效樂天體秦郵舟中即目六首

浮沈豈必緣輕重此理難從物性求沙鳥羽輕偏善沒

水牛蹄重獨能浮

後先豈必爭遲速此訣須從達者傳欲速馬因失足後

開遲船為得風先

貪廉豈必由取舍此段難從有意求二寸白小多漏網

尺半紅鱗或上鈎

灾祥豈必因旱潦此事終須人力饒千金隄塞一蟻穴

百里水洩三虹橋

死生豈不論長短此事難從天道爭黃口小兒多天折

白頭老子却長生

富貧豈必關憂樂此意須從處境謀萬戶富平侯不樂

一瓢貧巷士忘憂

立秋夜泊召伯埭熱極竟夕不成寐

直從日落風生後坐到星稀月淡時蘆荻灘頭秋氣味
一年今夜最先知

揚州換船吳孝廉次侯至舟次相晤口占志別

吳生知我停征棹先枉高軒向水濱差喜同年還有後

生為豹文吏垣之子劇傷舊好絕無人謂史蕉飲顧書

渡江後舟中及初到家作八首

行經五月又六月飽閱風狂及雨狂淮北晚禾將換綠

江南早稻已垂黃一月中南北所見不同如此須臾過目留新咏容

易歸途得故鄉餓死先廬吾亦樂况聞歲計未全荒舟

吳江人問知黃梅多雨嘉興以南田家無不播設者

舟人亦復有何急晝夜來兼食宿程過隙馬馳颿倒影
裂波魚出榜雙聲傾軟不少飛揚路安穩終翰自在行

但得到家寧計日匹如半載坐愁城昨午從揚州解纜今蚤已抵毘陵

賀我生還預有詩詩家古義孰如茲徐卿二子成名日

錢氏一翁歸老時徐卿二子見少陵集謂徐茶坪及思肖兄弟且有一翁錢少陽太白句也

謂錢綱菴款款故應憐久別匆匆猶足慰相思只慚筋力難

為禮來往初非論報施二君俱就舟次握別余不及報也

轉盡陂坳地掌平低田初聽桔槔聲風披翠羽芸芸長

岸束清流瀾瀾盈擊壤豈真忘帝力習勞翻似代牛耕

誰為民牧應垂卹敢望蠲租望緩征常州以南彌望皆水田

碧空如水月將出城外放船乘早涼到耳雞聲無次序

刺肌蝨喙有鋒芒嵐光澹澹開前路天意濛濛引睡鄉

行過望亭渾不見槍尖初日見山塘三更發錫山至望亭天始明

金閶門外氣如薰暴雨南來欲拯焚乍喜跳珠湯止沸

俄看插漢火騰雲可憐民困天知否大抵耕深報薄云

慰爾眼前聊一快十分愁暫減三分吳門小泊喜雨

漸近鄉關倍慘然脊令原上鷓鴣天累添行處尋常債

痂結平生未了緣石火光中思拔宅木魚聲裏學逃禪

不如且作黃山谷收取詩名四十年涪翁成句

蚤信歸期在未占隔年羊酒夢中攜去冬將發杭州夢中有人陸詩二句

賀他父子得同歸云鄰里幾家羊酒賀兒童識面尚八九父老叩門時兩

三瘦盡形容皮骨在新留霜雪鬢毛添獄中不剃髮者百五十日及出

則兩髻垂頰二寸視之
故髻也留以志厄運
白頭白盡非初白別署頭陀忍辱菴

六月廿六夜過鴛湖洲曾濟蒼別後見寄詩中
舟字韻兼訂秋涼偕高大立見過之約

好片南湖水重來洗病眸堂前初秉燭橋外暫維舟肯
踐三秋約寧須一夕留回頭經死地長恐見無由

住劫集起丁未七月

釋氏於賢劫一代分壞空成住四時就此四時中
成劫已過壞空未來以現在者為住劫余今患難
頽齡猶餘口業正不知住世凡幾日更得幾首詩
也

七月十一日喜雨吾里自甲辰七月海潮汎溢後水土多成鹹味今年黃梅積雨土性復故乃得插秧

一村瀉鹵變良田甘澤重滋白露天歷盡河淮江北路
喜從海角卜豐年

行研銘

從我於厄食我墨兮毋汚爾潔幸洗雪兮

三年來村家不種稻而種木棉頗擅其利今年
間有因襲舊例者入秋風雨太多畝收失望感
歎成篇

木棉秋早實經露復經霜日給貧家口年逋大戶糧差
宜沙雨潤最忌海風狂鄰有西成望嗟嗟爾獨荒

敬業堂詩續集卷六
脾泄足腫久未愈醫云服參則效戲畲之

人復金比價盈兩十千錢藥竈添新火齋廚斷晚煙萬
緣能委運一事敢祈天老死尋常事休教病苦纏

枕上偶拈

七月廿四早

撚須擁鼻出呻吟淺語中含感慨深燕散已無雛可戀
花開尚有蝶相尋病餘稍悟浮休理閒處微微寂照心
因病得閒閒且病也如夢閱去來今

敬業堂詩續集卷六終

姪男

開校刊

